


# 宋史

傳廿八之世二




漢書門			
冊	架	函	號
一	三	二	八
廿		四	
廿		五	

內閣文庫			
冊	架	函	號
二	八	一	五
廿		五	
廿		五	

內閣文庫			
番號	漢	5065	
冊數	122	69	
函號	281	23	

廿八之世二

廿九



綴じ部(喉部分)の文字など開きが不鮮明な箇所あり

列傳卷第二十八

宋史二百六十九

陶穀字秀實邠州新平人本姓唐避晉祖諱改焉歷北齊隋唐為名族祖彥謙歷慈絳澧三州刺史有諫名自號鹿門先生父渙領夷州刺史唐季之亂為邠帥楊崇本所害時穀尚幼隨母柳氏育崇本家十餘

勅修

陶穀

寇蒙

王著

王祐子旭孫質

楊昭儉

魚崇諒

張澹

高錫從子冕

陶穀字秀實邠州新平人本姓唐避晉祖諱改焉歷北齊隋唐為名族祖彥謙歷慈絳澧三州刺史有諫名自號鹿門先生父渙領夷州刺史唐季之亂為邠帥楊崇本所害時穀尚幼隨母柳氏育崇本家十餘

嘉靖丁巳年

監生徐天

淺草文庫

歲能屬文起家校書郎單州軍事判官嘗以書干宰相李崧崧甚重其文時和凝亦為相同奏為著作佐郎集賢校理改監察御史分司西京遷虞部員外郎知制誥會晉祖廢翰林學士兼掌內外制詞目繁委穀言多委愜為當時最少帝初賜緋袍靴笏黑銀帶天福九年加倉部郎中初崧從契丹以北高祖入京師以崧第賜蘇逢吉而崧別有田宅在西京逢吉皆取之崧自北還因以宅券獻逢吉逢吉不悅而崧子弟數出怨言其後逢吉乃誘告崧與弟岫義等下獄崧懼移病不出崧族子昉為秘書郎嘗往候崧崧語

昉曰邇來朝廷於我有何議昉曰無他聞唯陶給事往往於稠人中厚誣叔父崧歎曰穀自單州判官吾取為集賢校理不數年擢掌誥命吾何負於陶氏子哉及崧遇禍昉嘗因公事詣穀穀問昉識李侍中否昉歛衽應曰遠從叔爾穀曰李氏之禍穀出力焉昉聞之汗出穀性急率嘗與兗帥安審信集會杯酒相失為審信所奏時方姑息武臣穀坐責授太常少卿嘗上言頃泄西臺每見臺司詳斷刑獄少有即時決者至於閭閻夫婦小有爭訟淹滯即時坊市死亡喪葬必俟臺司判狀奴婢病亡亦須檢驗吏因緣為姦

而邀求不已經旬不獲埋瘞望申條約以革其弊從之俄拜中書舍人嘗請教習樂工停二舞即及禁民伐桑棗為薪並從其請開運三年賜金紫契丹主北歸脅殺今從行殺逃匿僧舍中衣布褐陽為行者狀軍士意其詐持刃陵脅者日數四殺頗工曆數謂同輩曰西南五星連珠漢地當有王者出契丹主必不得歸國及耶律德光死有孛光指北殺曰自此契丹自相魚肉永不亂華矣遂歸漢為給事中乾祐中令常參官轉對殺上言曰五日上章曾非舊制百官叙對且異昌言徒免天聽無益時政欲乞停轉對在

朝群臣有所聞見即許不時詣闕聞奏從之任用為右散騎常侍世宗即位遷戶部侍郎從征太原時魚崇諒迎母後至殺乘間言曰崇諒宿留不來有願望意世宗頗疑之崇諒又表陳母病詔許歸陳州就養以殺為翰林學士世宗謂宰相曰朕觀歷代君臣治平之道誠為不易之念唐晉失德之後亂臣黠將僭竊者多入中原甫定吳蜀幽并尚去平時釐殺未能遠被宜令近臣各為論策宣道經濟之略乃命承旨徐台符以下二十餘人各撰為書進為臣不易論平遠策以進其策率以備文德承聖人為意惟讀與實

字四百下  
議揚昭儉王朴以封爵密通江淮當用師取之世宗  
自克高平常訓立講武思混一天下及覽其策愕然  
聽納由是平南之意益堅矣顯德三年遷兵部侍郎  
加承旨世宗留心稼穡命工刻木為耕夫織婦蠶女  
之狀置於禁中思廣勸課之道穀為替辭以進顯德  
六年加吏部侍郎宋初轉禮部尚書依前翰林承旨  
穀在翰林與竇儀不協儀有公室慮其軋已嘗附宰相  
趙普與趙逢高錫革共排儀儀終不至相位乾德  
二年判吏部銓兼知貢舉再為南郊禮儀使法物制  
度多穀所定時范質為大禮使以函箒清游隊有甲

騎具裝莫知其制度以問於穀穀曰示貞明丁丑歲  
河內尹張全義獻人甲二百副馬具裝衣二百副其人  
甲以布為裏黃紵表之青綠畫為甲文紅錦緋青紵  
為下帶絳韋為絡合銅塊長短至膝前膺為入面二  
目背連膺纏以紅錦騰地為具裝蓋尋常馬甲但加  
珂拂於前膺及後部爾莊宗入洛悉焚其寶命有司  
如穀說造以給用又乘輿六畜以亡其制穀創意造  
之後承用焉明德四年穀為之說乾德中命庫部  
員外郎王貽孫周易博士吳煥同考試品官子弟穀  
屬其子鄂於煥鄂書不通以合格聞補殿中省進馬

俄為人所發下御史府案問學士賈為司戶貽孫  
責授左贊善大夫奉毅奉兩月後授司加刑部戶部  
二尚書開寶三年五年六十八贈右僕射毅強記嗜  
學博通經史諸子佛老咸所總覽多蓄法書名畫善  
隸書為人雋辨宏博然奉競務進見後學有文采者  
必極言以譽之聞達官有聞望者則巧詆以排之其  
多忌好名類此初太祖時受樞密有禪文毅在旁出  
諸懷中而進之曰已成矣太祖甚薄之嘗自曰吾頭  
骨法相非常當戴貂蟬冠爾蓋有意大用也人多笑  
之子那至起居舍人天禧四年錄毅孫冀試秘書省

校書郎

扈蒙字日用幽州安次人魯祖洋涿州別駕祖智周  
盧龍軍節度推官父會內園使蒙少能文晉天福中  
舉進士入漢為鄆縣主簿趙思綰叛遣郭從義討之  
郡縣吏供給皆戎服趨事蒙冠服褒博舉止舒緩從  
義頗訝之轉運使李穀謂曰蒙文學名流不習吏事  
遂不之問周廣順中從歸德軍節度趙暉為掌書記  
召為右拾遺直史館知制誥蒙從弟載時為翰林學  
士兄弟並掌內外制時號二扈蒙初由中書舍人遷  
翰林學士坐請託於同年仇華黜為太子左贊善大

嘉靖丁巳年

天禧四年

卷一

監生徐天右列

夫稍遷左補闕掌大名市征六年復知制誥充史館  
脩撰開寶中受詔與李穆等同脩五代史詳定古今  
本草五年連知貢舉七年蒙上書言昔唐文宗每召  
大臣論事必命起居即起居舍人執筆立於殿側以  
紀時政故文宗實錄稍為詳備至後唐明宗亦命端  
明殿學士及樞密直學士輪脩日曆送史官近來此  
事都廢每季雖有內殿日曆樞密院錄送史館然所  
記者不過臣下對見辭謝而已帝王言動莫得而書  
緣宰相以漏泄為虞昧於宣播史官疏遠何得與聞  
望自今凡有裁制之官優恤之言發自宸衷可書簡

策者並委宰臣及參知政事每月輪知抄錄以備史  
官撰集從之即以參知政事盧多遜典其事九年正  
月受朝乾元殿降王在列聲明大備蒙上聖功頌以  
述太祖受禪平一天下之功其詞誇麗有詔褒之為  
盧多遜所惡出知江陵府太宗即位召拜中書舍人  
旋復翰林學士與李昉同脩太祖實錄太平興國四  
年從征太原還轉戶部侍郎加承旨雍熙三年被疾  
以工部尚書致仕未幾卒年七十二贈右僕射自張  
昭寶儀卒典章儀注多蒙所判定初太祖受周禪追  
尊四廟親郊以宣祖配天及太宗即位禮官以為舜

郊饗商郊冥周郊后稷王業所因也若漢高之太公  
光武之南頓君雖有帝父之尊而無預配天之祭故  
自太平興國三年六年再郊並以太祖配於禮為允  
太宗將東封蒙定議曰嚴父莫大於配天請以宣祖  
配天自雍熙元年罷封禪為郊祀遂行其禮識者非  
之蒙性沉厚不言人是非好釋典不喜殺緡紳稱善  
人有笑疾雖上前不自禁多著述有鰲山集二十卷  
行於世載字仲熙有傳見五代史

王著字成象單州單父人性豁達無城府幼能屬文  
漢乾祐中舉進士周祖鎮大名世宗倚行聞著名召  
置門下因得謁見周廣順中世宗鎮澶州辟觀察支  
使隨世宗入朝遷殿中丞即位拜度支員外郎顯德  
三年充翰林學士六年丁家艱起復南唐李景使其  
弟從善來貢會恭帝嗣位命著伴送至睢陽加金部  
郎中知制誥賜金紫世宗靈駕赴慶陵符后從行公  
務悉資著著宋初加中書舍人建隆二年知貢舉時  
亳州獻藝著鄆州獲白兔臨州貢音鸚鵡著獻頌因  
以規諫太祖甚嘉其意下詔褒之四年春宿百寮中  
被酒晏間乘被而夜加滋德殿門未見帝怒著其醉  
宿倡家之過然為此部員外郎著德初改兵部員外



郎二年復知制誥數月加史館脩撰判館事三年就  
轉戶部郎中六年復為翰林學士加兵部郎中再知  
貢舉開寶二年冬暴卒年四十二著山有後才世宗  
以懷府舊僚養待尤厚常召見與話命皇子出拜每  
呼學士而不名屢欲相之以其嗜酒故遲留久之及  
世宗疾大漸太祖與范質入受顧命謂質等曰王著  
著郎舊入我若不諱當命為相世宗崩乃止著善與  
人交好延譽後進當世士大夫稱之有傳見五代史  
王祐字景沂大名莘人祖言仕唐黎陽令父徹舉後  
唐進士至左拾遺祐少篤志詞學性調儻有俊氣晉

天福中以書見其藻麗由是名聞京師  
帥杜重威辟為觀察支使漢初重威移鎮睢陽反側  
不自安祐嘗勸之使無反漢不聽祐坐是貶沁州司  
戶參軍因作書貶友人以見志辭氣後遇人多稱之  
仕周歷魏南樂二令太祖受禪拜監察御史曰魏  
縣知光州通判中書御史執事三年知制誥六年  
加集賢院直學士又調員外郎太祖征之居巴濟河  
諸州饋集一黨城中車乘塞路一聞之時以稽留罪  
尋遣使趙普曰六師方至而轉運使以稽留罪聞敵必  
請諸將不克言以稽留罪矣非成深之道矣俾能治劇



旭字冲明嚴於治内恕以接物尤篤友義以蔭補太祝嘗知緱氏縣時官鄰邑者多貪猥民有永寧三饗緱氏一鱸之謠又知雍丘縣真宗尹京時素聞其能及踐阼三遷至殿中丞自旦居宰府旭以嫌不任職王矩嘗薦旭材堪治劇直宗召旦謂曰前代弟兄同居要地者多矣朝廷任才豈以卿故屈之邪命授京府推官旦固辭改判南曹由判國子監出知潁州荒政脩舉大中祥符間旦既薨敷歷中外早有政績由兵部郎中出知應天府卒年六十八懿子睦旭子質皆能其官

質字子野少謹厚淳約力學問師事楊億億歎以為英妙伯父旦見其所為文嗟賞之以蔭補太常寺奉禮郎後獻文召試賜進士及第被薦為館閣校勘改集賢校理累遷尚書祠部員外郎丁父憂與諸弟飯脫粟茹蔬終喪通判蘇州州守黃宗旦少質嘗因爭事宗旦曰少年乃與夫人抗邪質曰事有當爭職也卒不為屈宗旦得盜鑄錢者百餘人下獄治退告質曰吾以術鈎致得之喜見於色質曰以術鈎人寘之死而又喜仁者之政固如是乎宗旦慙沮為薄其罪遂判尚書刑部吏部南曹知蔡州州人歲時祀吳元

濟廟質曰安有迤醜而廟食於民者毀之爲更立狄  
仁傑李愬像而祠之蔡人至今號雙廟以本曹郎中  
召爲開封府推官時兄雍爲三司判官質不欲兄弟  
並居省府懇辭得知壽州徙廬州盜殺其徒并質而  
遁捕得之質論盜死大理以謂法不當死質曰盜殺  
其徒自首者原之所以疑懷其黨且許之自新此法  
意也今殺人取貲而捕獲貸之豈法意乎疏上不報  
降監舒州靈仙觀採古今鍊形攝生之術撰寶元總  
錄百卷逾年韓琦知審刑院請盜殺其徒非自首者  
勿原著爲令於是鄭戩葉清臣皆言質非罪且稱其  
材起知秦州遷度支郎中徙荆湖北路轉運使嘗攝  
江陵府事或訴民約婚後期民言貧無貲以辦故違  
約質問其費幾何出私錢予之吏捕盜人衣者盜叩  
頭曰平生不爲過迫饑寒而至於此質命取衣衣之  
遣去加史館脩撰同判吏部流內銓擢大章閣待制  
出知陝州卒質家世富貴兄弟習爲驕侈而質克已  
好善自奉簡素如寒士不喜畜財至不能自給初旦  
爲中書舍人家貧與昆弟貸人息錢違期以所乘馬  
償之質閱書得故券召子弟示之曰此吾家素風爾  
曹當毋忘也范仲淹貶饒州治朋黨方急質獨載酒

往餞或以誚質質曰范公賢者得爲之黨幸矣世以此益賢之

楊昭儉字仲寶京兆長安人曾祖嗣復唐門下侍郎平章事吏部尚書祖授唐刑部尚書父景梁左諫議大夫昭儉少敏俊後唐長興中登進士第解褐成德軍節度推官歷鎮魏掌書記拜左拾遺直史館與中書舍人張昭遠等同脩明宗實錄書成遷殿中侍御史天福初改禮部員外郎晉祖命宰相馮道爲契丹冊禮使以昭儉爲介授職方員外郎旋加虞部郎中俄以本官知制誥不逾月三拜命時人榮之又爲荆

南高從誨生辰國信使賜金紫使回拜中書舍人又爲翰林學士時驕將張彥澤鎮涇原暴殺從事張式朝廷不加罪昭儉與刑部郎中李濤諫議大夫鄭受益抗疏論列請置之法疏奏不報會有詔令朝臣轉對或有封事亦許以不時條奏昭儉復上疏曰天子君臨四海日有萬機懋建諍臣彌縫其闕今則諫臣雖設言路不通藥石之論不達於聖聰而邪佞之徒取容於左右御史臺紀綱之府彈糾之司銜寃者固當昭雪爲蠹者難免放流陛下臨御以來寬仁太甚徒置兩司殆如虛器遂令節使慢侮朝章屠害幕吏

始訴寃於丹闕反執送於本蕃苟安跋扈之心莫恤  
寃抑之苦願回睿斷誅彥澤以謝軍吏由是權臣忌  
之會請告洛陽不赴晉祖喪為有司所糾停官未幾  
起為河南少尹改秘書少監尋復中書舍人時河決  
數郡大發丁夫以本部帥董其役既而塞之晉少主  
喜詔立碑記其事昭儉表諫曰陛下刻石紀功不若  
降哀痛之詔摘翰頌美不若頒罪已之文言甚切至  
少主嗟賞之卒罷其事周世宗愛其才復召入翰林  
為學士歲餘改御史中丞多振舉甚憲故事未幾以  
鞫獄之失與知雜御史趙礪侍御史張糾並出為武

勝軍節度行軍司馬開寶二年入為太子詹事以眼  
疾求退六年以工部尚書致仕太宗即位就加禮部  
尚書太平興國二年卒年七十六昭儉美風儀善談  
名理事晉有直聲然利口善譏訾執政大臣懼其構  
謗多曲徇其意

魚崇諒字仲益其先楚州山陽人後徙於陝崇諒初  
名崇遠後避漢祖諱改之幼能屬文弱冠相州刺史  
辟為從事會魏帥楊師厚卒建相州為昭德軍分魏  
郡州縣之半以隸之魏人不便裨校張彥及帳下囚  
節度使賀德倫歸款莊宗崇諒奔歸陝明宗即位秦

王從榮表為記室從榮誅坐除籍流慶州清泰初移  
華州俄以從榮許歸葬放還陝三年起為陝州司馬  
仕晉歷殿中侍御史鳳翔李儼表為觀察支使奉方  
物入貢宰相薦為屯田員外郎知制誥開運末契丹  
入汴契丹相張礪薦為翰林學士契丹主北歸留崇  
諒京師漢祖之入盡索崇諒所受契丹詔敕焚於朝  
堂復令知制誥俄拜翰林學士就加中書舍人隱帝  
即位崇諒以母老求就養除保義軍節度副使領台  
州刺史食郡奉會舉師討三叛節度使白文珂在軍  
前崇諒知後事凡供軍儲備調發皆促期而辦近鎮  
賴之崇諒親屬盡在鳳翔城中踰年城破李穀為轉  
運使庇護崇諒家數十口皆無恙崇諒請告自岐迎  
居於陝未幾王仁裕罷內職朝議請召崇諒為學士  
周祖踐阼書詔繁委皆崇諒為之廣順初加工部侍  
郎充職會兗州慕容彥超加封邑彥超已懷反側遣  
崇諒充使賜官告仍慰撫之時多進策人命崇諒就  
樞密院引試考定升降崇諒以母老忌鄉里求解官  
歸養詔給長告賜其母衣服繒帛茶藥緡錢假滿百  
日令本州月給錢三萬米麩十五斛俄拜禮部侍郎  
復為學士詔令侍母歸闕崇諒再表以母老病乞終

嘉靖丁巳年

卷之二

一

監生徐天佑刊

養優詔不允世宗征高平崇諒尚未至陶穀乘間言  
曰魚崇諒逗遛不來有顧望意世宗頗疑之崇諒又  
表陳母病詔許歸陝州就養訖太祖朝不起太宗即  
位詔受金紫光祿大夫尚書兵部侍郎致仕歲餘卒  
張澹字成文其先南陽人徙家河南澹幼而好學有  
才藻晉開運初登進士第宰相桑維翰器之妻以女  
解褐授書郎直昭文館再遷秘書郎充鹽鐵推官歷  
左拾遺禮部員外郎並充史館脩撰出爲洛陽令秩  
滿授吏部員外復充史館修撰周恭帝初拜右司員  
外郎知制誥建隆二年加祠部郎中會秘書郎張去

華上書自薦有文藝願與澹及祠部員外郎知制誥  
盧多遜殿中侍御史師頌並試敷定優劣太祖令並  
試於講武殿澹所對不應策問授三司員外郎未  
幾通判秦州兼海陵監副使蜀平通判梓州復拜  
祠部郎中開寶初就轉倉部郎中四年冬以本官知  
制誥六年命李昉責授盧多遜使江南內署闕學士  
太祖令澹權直學士院七年長春節講武中監祭酒  
命賜金紫六月權黜檢三司事不逾旬但發言二年  
五十六太祖聞其無子甚愍之命中使護葬不葬陽  
澹美風儀善談論歷官釐務所至皆治初與詞三校



執黜居郎署頗快快晚年附會盧多遜方再獲進用  
淳化中太宗論及文士曰澹典書命而試以策非其  
所長此蓋陶穀高錫黨張去華以沮澹爾若使穀輩  
出其不意而遽試之豈有不失律者邪

高錫字天福河中虞鄉人家世業儒幼穎悟能屬文  
漢乾祐中舉進士王晏鎮徐州辟掌書記留守西洛  
又辟河南府推官坐按獄失實奪官遷置涇州會赦  
得歸周顯德初劉崇入寇宰相請選將拒之世宗銳  
意親征破崇高平誅賊將樊愛能等由是收無大小  
悉親決之不復責成高平錫徒步詣詔諫上書請

擇賢任官分治衆職疏奏不報世宗嘗令翰林學士  
及兩省官分撰俳優詞付教坊肄習以奉游宴錫復  
上疏諫後為蔡州防禦推官宋初棄官歸京師詣匭  
上疏請禁兵器疏入不報建隆五年又以書干宰相  
范質質奏用為著作佐郎明年春遷監察御史秋拜  
左拾遺知制誥加忠田員外郎乾德初賜銖太宗尹  
京石熙載在幕中錫弟銖應進士舉干熙載望言為  
銖辭藝淺薄熙載不許錫深銜之數於帝前言熙載  
裨贊無狀帝具以語太宗且曰嘗為汝擇人代之太  
宗曰熙載勤於殫職聞高錫嘗求薦其弟熙載拒之

憲為錫所構帝大悟雖怒之未有以發會  
受節帥郭崇賂遣又嘗致書澧州刺史為增  
為人所告事下御史府核實青貶萊州司馬  
均州別駕移陳州太平興國八年卒元子  
莊周顯德中請闕上書稱旨擢為諫議大夫  
質以為超擢太過詔特受將仕郎守右補  
等宋初由膳部都官員外郎累至膳部郎中  
州雍熙二年卒年五十贈右諫議大夫錄其子  
為固始二簿

論曰自唐以來翰林直學士與中書舍人對掌  
頌宣功德箴諫闕失不專為文墨之職也宋興亦采  
詞藻以備斯選右穀之才雋著之敏達澹之治迹錫  
之策慮免之敷質成有可觀然豫成禪代之詔見薄  
時君終身不獲大用及夫險波忌前甘藷少檢附勢  
希榮構謗謀已皆無取焉蒙博洽長厚繼實儀裁定  
儀制惜乎南郊之謫請三太祖以宣祖配天為識者  
所共昭險抗論致危志除驕將而多言歷詆自取惡  
名知好奸為首者與崇諫奉親篤至及罹間毀終身  
歸養而不復起後蒙旌賞之與則為善者聳動矣社  
以白口明符彥卿無他志且言以清忌殺無辜者事



里入奉之尤篤術至即焚其廟後唐天成中為鄆州  
 令符習初鎮天平武臣之嚴慎者以書生口為邑母  
 聚歛為獻賀術不領書以故規行之尋為其所害習  
 遽召術答之幕客軍吏咸以為辱及正人習甚悔焉  
 即表為觀察推官且塞前事長興初召拜太常博士  
 習力奏留之習致仕術東歸養親永發房知溫鎮晉  
 州復辟置幕下知溫險復厚歛多不法術每極言之  
 不避其患晉祖入洛知溫恃兵力優蹇術勸其入貢  
 知溫以善術術之力也知溫諸子不慧術勸令以家  
 財十萬餘上進晉祖嘉之歸功於術知溫子彦儒授

沂州刺史術拜殿中侍御史俄遷都官員外郎充東  
 都留守判官改河陽三城節度副使檢校左庶子知  
 州事居半歲得家問父在青州有風痺疾術不棄棄  
 官去侍疾不復有仕宦意歲餘父疾不能起術親自  
 搦矢未嘗少倦晉祖聞之召為工部郎中樞密直學  
 士連使促召至關辭曰臣無他才術未知何人誤有  
 聞達望放臣還遂其私養晉祖曰朕自知卿非他人  
 薦也俄廢樞密院以本官奉朝請於上表請還侍  
 養授青州行營司馬丁父憂哀毀甚歲召為駕部郎  
 中鹽鐵判官以母老懇辭有詔止守本官未幾復出

為天平軍節度副使開運末後三諫議大夫權判河  
南府召拜御史中丞後亂之後朝綱不振折執憲頗  
有風采嘗上言廢除御史者旋授外藩實任復有以  
私故細事求假外拜州郡無參謂之儀出入失風憲  
之體漸恐四方得以輕易百辟無所進給請自今藩  
鎮幕僚勿得任臺官雖親王宰相出臺宰務詔惟辟  
召入幕如故餘從其請復抗表求侍養改戶部侍郎  
衍又堅乞罷免詔書褒許即與其母東歸漢乾祐末  
丁憂服除詔鄂州高行周律遣赴闕衍辭以足疾不  
至周廣順初起為尚書右丞俄充端明殿學士太祖  
征兖州駐城下遣衍往曲阜祠文宣王廟城平以衍  
權知州事歸朝權知開封時王峻持權衍與陳觀俱  
為峻所引用會峻敗觀左遷衍罷職守兵部侍郎顯  
德初上表求解官授工部尚書致仕還鄉里臺閣縉  
紳祖餞都門外冠蓋相望時人榮之建隆三年春卒  
于家年七十四衍守章句無文藻然諒有孝悌為時  
所推

劇可文字尚賢涿州范陽人沉毅方正明律令與馮  
道趙鳳為友後唐同光初鳳薦於朝補徐州司法以

嘉靖丁巳年  
三  
監生徐天佑刊

幹職聞召為大理評事賜緋踰年遷大理正坐誤治  
獄責授登州司戶遇赦召為著作即仕晉歷殿中少  
監太子右諭德大理少卿賜金紫晉祖崩可久方在  
病告有司糾以不赴國哀坐免未幾復官遷大理卿  
周廣順初改太僕卿復為大理卿會鄭州民李思美  
妻詣御史臺訴夫私鬻鹽罪不至死刑官楊瑛實以  
大辟有司攝治瑛瑛具伏可久斷瑛失入減三等徒  
二年半宰相王峻欲殺瑛召可久謂之曰死者不可  
復生瑛枉殺人其可恕耶可久執議益堅瑛得免死  
由是忤峻改太僕卿分司西京顯德三年所舉官犯

刑可久坐停任明年復起為右庶子世宗以刑書深  
古條目繁細難於檢討又前後敕格重互亦難詳審  
於是中書門下奏曰伏以刑法者御人之術勸教弊  
之斧斤有國家者不可一日而廢也雖堯舜之世亦  
不能捨此而致治今奉制旨刪定律令有以見明罰  
救法之意也竊以朝庭之所用者律十一卷律疏三  
十卷式二十卷令二十卷開成格二十卷大中統類  
一十二卷後唐以來至漢末編製二十二卷及國朝  
制敕等律令則文辭古質或難以詳明格敕則條目  
繁多或有所疑誤將救弊文之弊宜神畫一之規所

冀民不陷刑吏有所守臣等商議望准制旨施行仍  
命侍御史知雜事張浚太子右庶子副可久殿中侍  
御史率汀職方郎中鄧守中倉部郎中王登司封員  
外郎賈珪太常博士趙囑國子博士李光贊大理正  
蘇曉太子中允王仲等十人編集新格勅成部律  
令之有難解者就文訓釋格救之有繁雜者隨事刪  
削其有矛盾相違輕重失宜者盡從改正無或拘牽  
候畢日委御史臺尚書省四品以上及兩省五品以  
上官參詳可否送中書門下議定從之自是凝等奉  
都省集議剛定仍令大官供膳五年書成凡三十卷

目曰刑統宰相請頒天下與律疏令式並行可久復  
拜大理卿建隆三年告老改光祿卿致仕卒年七十  
七可久在廷尉四十年用法平允以仁恕稱  
趙逢字常夫馮州懷戎人性剛直有吏幹父崇事劉  
言光為牙校後唐天祐中莊宗遣周德威平幽州因  
討崇逢同知德威錄為部曲令與諸子同師學及德  
威戰沒明柳波逢乃游學河朔間久之西游客鳳翔  
李益入為開封尹表奏為巡官逢不樂乃求舉進士  
是歲禮部侍郎集賢殿學士司徒與百官擢登甲

卷四十八

刑統

刑統

科解褐授秘書省正字周廣順中歷左拾遺右補  
闕皆兼史職世宗即位遷禮部員外郎中館脩撰顯  
德四年改應部員外郎知制誥逾年轉水部郎中仍  
掌誥命恭帝即位賜金紫宋初拜中書舍人太祖征  
澤潞逢疾不次河內開李筠擁兵入寇又慮太行艱  
險乃妄言墜馬傷足當於懷州駕還京有密旨除拜  
逢當草制又稱疾不入太祖謂宰相曰此人得非規  
避行役者耶對曰誠如聖言遂貶房州司戶會恩量  
移汝州司馬乾德初召赴闕授都官郎中知制誥充  
史館脩撰判館事二年改判昭文館未幾充樞密直

學士加左諫議大夫蜀平  
州城逢防禦有功賊既平  
死京師詔給塋事代還還  
畧太祖征太原以逢為隨  
諸道丁壯數十萬築堤壅  
之不用即命督其版築其  
力役因而遽疾輿歸京師  
所至石聲然傷慘即又言  
藥大市梓符三年特詔  
蘇頌字表東京兆武功人  
其子極為三任信職  
其子極為三任信職  
其子極為三任信職



長興初曉辟鄧州從事  
周廣順初由華州文使  
少卿顯德中歷元田郎中  
護等同詳定刑統為三千  
權大理少卿事遷度支郎  
運使建議權斫黃舒廬  
歲入百餘萬緡開寶三年  
使仍掌京城市紅先是  
木秦龍間守信盜官錢  
信至中卒日則不傳舍太  
祖鎮太原三為觀察文使  
為大理正以諱獄有功遷  
宋初詔與官儀李嶼張若  
卷及編敕四卷建隆四年  
中乾德三年出為淮南轉  
五州茶置十四場規其利  
遷司勳郎中改西川轉運  
廷遣供備庫事李守信亦  
萬既交代為部一所守  
祖命曉秦之逮捕其衆石

拾遺通判秦州馬適妻李即守信息女守信嘗用木  
為筏以遺適曉得守信所送書以進太祖將捨之曉  
上章固請寘于法仍籍其家餘所連及者多至破產  
盡得所隱沒官錢擢拜曉右諫議大夫判大理寺賜  
金紫遷左諫議大夫七年監在京商稅九年六月卒  
年七十二曉深文少恩當時號為酷吏及卒無子有  
一女甚鍾愛亦先曉卒人以爲深刻所致

高防字脩已并州壽陽人性沉厚守禮法累世將家  
父從慶戍天井關與梁軍戰死防年十六護柩以歸  
事母孝好學善為詩初張從恩為北京副留守奏攝

嘉靖丁巳年 監生徐天佑刊

太原府倉曹掾從恩移澶州防禦使表為判官有親  
校段洪進盜官木造噐市取其直從恩聞之怒將殺  
之洪進懼思緩其罪給曰判官使為之從恩召防詰  
之防即引伏洪進得免從恩遺防錢十千馬一疋遣  
之防拜受而去終不自明既而悔之命騎追及防不  
得已而還賓主如初又居帳下歲餘稍稍有言防自  
誣以活人從恩益加禮重從恩入為樞密副使防授  
國子監丞從恩留守西洛又為推官召拜殿中丞充  
鹽鐵推官以母憂去官服除隨從恩歷鄆晉潞三鎮  
判官契丹入汴晉主北行從恩欲歸款契丹召拜計

議防為陳逆順請固守臣節為左右所撻從恩不用  
其言遂歸契丹既行命副使趙行遷知留後從恩所  
親王守恩為巡檢與防同領郡事防與守恩謀誅行  
遷以城歸漢祖漢祖召防赴太原加檢校金部郎中  
乾祐初授屯田員外郎改浚儀令時楊邠用事與防  
有隙未幾免職居數月夢一吏以白帕裹印自門入  
授防防寤而思曰白主刑吾當為主刑官乎俄而周  
祖即位起為刑部員外郎吏齎印至一如夢中所覩  
改開封令遷本府少尹除刑部郎中宿州民以刃殺  
妻妻族受賂偽言風狂病瘖吏引律不加考掠具獄

上請覆防云其人風不能言無醫驗狀以何為證且  
禁繫踰旬亦當須索飲食願再劾必得其情周祖然  
之卒寘於法世宗尹京判官崔頌忤旨簡求僚佐宰  
相首以防薦周祖曰朕方欲用之乃以防代頌世宗  
即位拜左諫議大夫賜金紫鞍勒馬顯德二年遷給  
事中從征淮南初下秦州即命防權知州事兼判海  
陵監事會吳師至迺遷州民入牙城分兵固守以俟  
外援俄而揚帥韓令坤馳騎召防吳軍復至廣陵防  
與令坤敗之詔書嘉獎三年改左散騎常侍其秋召  
歸闕復歷知蔡宋二州再從世宗南征判行泗州及

城降命防知州事復知蔡州五年遷戶部侍郎世宗  
謀取蜀以防為西南面水陸轉運制置使屢發芻糧  
赴鳳州為征討之備太祖還自陳橋防所居為里民  
所略詔賜綾絹衣服衾裯鞍馬及征李筠防又為潞  
州東北路計度轉運使澤潞平拜尚書左丞賜銀器  
綵帛鞍勒馬建隆二年出知秦州州與夏人雜處罔  
知教養防齊之以刑舊俗稍革州西北夕陽鎮連山  
谷多大木夏人利之防議建採造務闢地數百里築  
堡要地自渭而北夏人有之自渭而南秦州有之募  
卒三百歲獲木萬章夏部尚波千等率諸族千餘人

涉渭奪木筏殺役兵防出與戰俘四十七人以獻太祖慮擾邊郡詔諭酋帥賜所獲之俘錦袍銀帶以遣之遂罷採木之役命吳廷祚為節度以代防歸為樞密直學士復出知鳳翔乾德元年卒年五十九太祖甚悼惜賜其子太府寺丞延緒詔曰爾父有幹蠱之才懷匪躬之節朕所毗倚遽茲淪亡聞之蠱傷不能自已矧素尚清白諒無餘資殯殮所須特宜優恤今遣供奉官陳彥珣部署歸塋西洛凡所費用並從官給

馮瓚字禮臣齊州歷城人性便佞任數務巧進父知

兆後唐司農卿瓚以蔭補解褐授秘書省校書郎遷著作佐郎出為諸城令歲滿授太子右贊善大夫漢初改監察御史周廣順元年遷殿中侍御史河陽判官宋仁範與洛陽娑婦交訟詔瓚劾之獄成大理斷以官當徒追兩官告身刑部員外郎張處素覆核無異奏行仁範詣闕訴其事詔還一官瓚洎處素俱坐降一階顯德初遷刑部員外郎充三司判官歲餘改祠部郎中充集賢院直學士宋初轉兵部郎中加金紫階瓚風神俊爽善談論有吏材太祖甚寵之擢拜左諫議大夫出知舒州境內有菰蒲魚鱉之饒居民

採以自給防禦使司超盡征之瓚奏奪民利請蠲除從之建隆四年春徙知廬州乾德三年以本官充樞密直學士時劔外初平卒有亡命者散匿為盜命瓚知梓州無何蜀軍校上官進率亡命三千餘人掠民數萬夜攻州城瓚曰賊乘夜奄至此烏合之衆以箠挺相擊必無固志正可持重以鎮之旦自潰矣城中止有雲騎兵三百令分守城門瓚坐城樓密令促其更籌未夜分擊五鼓賊悉遁去因縱兵追之擒上官進斬於市誘其餘黨千餘人並釋其罪境內獲安初太祖欲任用瓚常與趙普言瓚有奇材普忌之乃遣

請向平寇潛令所親信從其行密察其過即亡入京師等處聞鼓訟瓚及監軍綾錦副使李美通判殿中侍御史李檝受賕為姦事急召歸闕親問之詞理屢屈乃屬吏既而普遣人至潼關閱其囊裝得金帶玦玩之物皆封題將以賂劉懿懿方在太宗幕府瓚具伏普言法當死太祖欲貸之普固執不可乃削去名籍瓚流登州沙門島美配隸通州海門島懿免所居官李檝者嘗與王德裔佐王饒幕太祖納孝明皇后因識之德裔輕率而檝謹厚太祖薄德裔而厚檝至是檝特免配流未幾復為御史焚舟海上凡十年不

宋史列傳卷三十一  
得召開筵未遇赦放還太宗即位授左贊善大夫太平興國元年冬興禮部員外郎賈黃中左補闕程能分掌左藏三庫先是貨泉與金帛通至是以幣藏充溢乃命分之二年復賜金紫明年判大理寺改度支判官遷秘書少監元職四年上親征太原以瓚為隨駕三司判官凱旋改大理卿兼判秘書省以足疾求解優詔免朝請令於本司視事瓚抗章請退除給事中致仕復舊勳階五年卒年六十七子克忠至內殿崇班開門祇候

邊翔字待價華州鄭人也曾祖頤石泉令祖操下邳令父蔚太常卿翔晉天福六年舉進士解褐秘書省校書郎直洪文館漢乾祐初為右拾遺加朝散大夫澤州饑奉詔視民田周廣順元年遷右補闕三年轉起居舍人顯德二年改庫部員外郎丁外艱服闋授職方員外郎知通州翔課鬻鹽於狼山歲增萬餘石宋初詣衛州視秋稼及掌京倉建隆二年兄玠自河南令入為吏部員外郎復以翔為洛陽令兄弟迭尹赤邑時人榮之乾德初召為倉部郎中蜀平命翔知三泉縣開寶初遷職方郎中監京北麴務又掌永安軍權貨奏徙務揚州有富民訴廣陵尉謝圖殺其父

本部收尉囚之官吏推劾累三百日獄未具州以狀  
聞詔珣案鞫盡得其實乃富民以私憾誣告尉即反  
坐之就命權知州事仍兼權貨務罷郡又兼掌酒稅  
鹽礬務未幾丁母憂起復知州事會征江表兼領淮  
南轉運使金陵平知江北諸州轉運事太宗即位遷  
吏部郎中召還賜金紫充廣南轉運使初至桂州守  
張頌卒頌維州人藁葬城外舊制不許以族行僕人  
乃分匿其家財珣召官吏悉追取之部送其柩歸維  
州又屬郡守與護軍有忿隙者但奏令易地不致之  
於罪累太平興國五年代歸拜右諫議大夫領吏部

選事七年移知開封府明年夏卒年六十三珣精力  
有吏材帝方欲倚用及聞其卒歎惜數四賻其家絹  
四百匹錢二十萬珣一子早卒以其從子俊為尉氏  
主簿兄玗至金部郎中弟玢右贊善大夫從子倣至  
殿中丞倚為比部員外郎

王明字如誨大名成安人晉天福中舉進士不第驍  
騎將藥元福為原州刺史玢為從事馮暉節制靈武  
表為觀察巡官周廣順初元福領陳州防禦使奏署  
判官會劉崇寇晉州命元福將兵援之事多洽於明  
先是州縣吏部送丁壯餉糧一夕夫盡遁去元福怒

盡驅官吏出軍門將就戮明馳往止之入白元福曰  
今軍儲無闕丁夫數萬人文吏懦不能制斬之何益  
不如寬以待之賊敗凱旋公無專殺之名不亦善乎  
元福感悟盡免其死既而崇衆宵遁即命元福為建  
雄軍節度留鎮因奏署明為書記賜緋魚顯德初元  
福移鎮陝恃功多驕恣明以直道規之忤其左右多  
毀明於元福元福亦稍踈之明以父病求歸省元福  
數召明明因謝絕之詣闕上書求任州縣歷清平鄆  
城二縣令宋初荆南高繼沖入覲授彭門節鉞以明  
為武寧軍節度掌書記乾德初召公卿近臣各舉清

白有吏幹者一人給事中馬士元以明塞詔召為左  
拾遺蜀平選知榮州代歸遷右補闕會用兵於嶺南  
選為荆湖轉運使開寶三年大舉南征以明為隨軍  
轉運使山路險絕舟車不通但以丁壯數萬人轉運  
供億不開每一郡一城必先保其簿書守其倉庫  
既而賀州未下明入與主帥計曰當急取之恐援兵  
至則我師勝負未可知諸將頗猶豫明乃擐甲冒率  
所部護送輜重卒百人擁丁夫數千舂鍤皆作埋其  
塹直抵城門城中懼開門納欵遂據有之因抵廣州  
賊衆十餘萬拒戰是夕大風發屋折木衆乃驚懼明



與都部署潘美等謀命丁夫數千人持二炬間道先搗賊壘大軍葺食陣以待之俄而萬炬皆發焚其柵賊驚果來犯大軍因逆繫之賊大敗斬首數萬劉錡以城降廣州平為本道轉運使太祖嘉其功擢授秘書少監領韶州刺史充轉運使俄以潘美尹崇珂為嶺南轉運使以明為副使明徧歷部內視民疾苦舊無名科斂悉條奏除之嶺表遂安七年代歸帝召見勞問賜襲衣金帶鞍勒馬是歲將用師南唐以明為黃州刺史帝密授成筭明既視事即完葺城壘訓練士卒眾莫解其意俄而王師自荆渚乘戰艦而下

即以明為池州至古州江路巡檢戰摧都部署州軍於江南斬首二百級又破萬餘人於武昌殺江南軍七百人拔樊山砦破江州軍斬首三千級又破江南軍三百人於江中獲船十餘艘又擊敗湖口軍萬餘眾奪戰艦五百艘時南唐將朱令贇自上江領眾十五萬連大艦汎流而下將焚采石浮梁抵金陵為援明率所部舟師屯獨樹口遣其子馳奏請添造戰艦三百艘以襲之贇曰非應急策也令贇朝夕至金陵之圍解矣乃發遣人諭明令樹長木於洲浦問若帆檣之狀令賊望見之果疑大軍襲其後逗撓

不敢違明移檄諸軍扣為犄角因督兵權龍衣之至小  
孤山與諸軍合勢大破之擒令贊襲赴水死者十五  
六金陵平詔明安撫諸郡因命知洪州太宗即位兼  
領江南諸路轉運使召為右諫議大夫充三司副使  
太平興國七年與侯陟同判三司寧八年召分三司  
各命使領之改左諫議大夫為臨鐵使遷給事中雍  
熙四年改光州刺史出知并州端拱元年代還表求  
換秩改禮部侍郎會契丹擾邊詔以明知真定府契  
丹遁去淳化初詔歸闕知京朝官差遣事二年卒年  
七十二子廷快並進士及第歷臺省累為轉運使皆

知名擬至殿中侍御史扶嘗直集賢院至工部員外  
郎景德中錄幼子揆為光祿寺主簿大中祥符八年  
又錄其孫師顯為三班借職揆至殿中丞  
許仲宣字希粲青州人漢乾祐中登進士第時年十  
八周顯德初解褐授濟陰主簿考功員外郎張又薦  
為淄州團練判官宋初赴調引對便殿仲宣氣貌雄  
偉太祖悅之擢授太子中允受詔知北海軍仲宣度  
其山川形勢地理廣袤可以為州郡因畫圖上之遂  
升為濰州初議建牧馬監令仲宣行視諸州頗得善  
地從征并門掌給納四十餘州資糧悉能集事帝益

宋史卷一百一十一

知其疆幹開寶四年知荆南轉運事及征江南又兼南面隨軍轉運事共數十萬供饋無闕南唐平以漕輓功拜刑部郎中中謝日召升殿獎諭賜緋九年詔知永興軍府事太宗嗣位遷兵部郎中驛召赴闕賜金紫授西川轉運使屬西南夷寇鈔邊境仲宣親至大度河諭以逆順示以威福夷人率服會言事者云江表用兵時仲宣乾沒官錢召還令御史臺盡索財計簿為校凡數年而畢無有欺隱改廣南轉運使會征交州其地小瘴士卒死者十二三大將孫全興等

庫賞賜草檄書以諭交州交州即送款內附遣使修貢仲宣復上章待罪帝嘉之太平興國六年冬南郊畢遷吏部郎中八年與膳部郎中知雜滕中正兵部郎中劉保勳刑部郎中辛仲甫皆以久次郎署擢陞諫垣仲宣為左諫議大夫未幾召還以本官權度支雍熙四年出知廣州未上移知江陵府俄改河南府端拱中遷給事中淳化元年卒年六十一仲宣性寬恕個儻不檢有心計初為濟陰主簿時令與簿分掌縣印令畜嬖妾與其室爭寵令弗能禁嬖欲陷其主竊取其印藏之封識如故以授仲宣翌日署事發匣

嘉靖丁巳年  
監生徐天佑刊

則無其印因逮捕縣吏數輩及令簿家人下獄鞫問  
果得之於令舍竈突中令聞之倉皇失措仲宣處之  
晏然人服其量嘗從征江南都部署曹彬令取陶器  
數萬給士卒為燈具仲宣已預料置奉之如其數其  
才幹類此子待用至國子博士待問再舉及第至殿  
中丞待旦至比部員外郎待用子巨源亦登進士第  
揚克讓字慶孫同州馮翊人高祖公略洪州都督晉  
末舉進士不第州將劉繼勳辟為戶曹掾漢乾祐中  
本府節度張彥成表授掌書記周廣順初彥成移鎮  
安陽讓下克讓以舊職從行彥成入為執金吾病篤

奏稱其材可用克讓以彥成死未葬不忍就祿退居  
別墅俟張氏子外除時論稱之歷鎮寧軍掌書記顯  
德二年調授鳳翔府司錄參軍加兼監察御史以祖  
母老解官歸養未幾改延州觀察推官與通判宋琪  
並為節度使趙贊所禮累加朝散大夫兼殿中侍御  
史連以家難去職太祖素知其名會贊入覲復稱其  
才即起為左補闕掌斬口樵貨務乾德六年知果州  
上言願畢襄事特賜緡錢許葬畢赴任開寶三年就  
命為西川轉運副使蜀民懷其善政其妻裴氏代歸  
闕下疏民利病十事稱旨太祖召升殿賜坐勞問面

賜金紫將大用為侯陟所沮事見陟傳征南唐命克讓知昇州行府昇州平就知州事兼水陸計度轉運使事加兵部員外郎太平興國初就加刑部郎中知大名府會錢俶陳洪進來歸疆土以克讓為兩浙西南路轉運使泉州民嘯聚為盜克讓在福州即率其屯兵至泉州與王明王文寶共討平之四年徙知廣州俄兼轉運市舶使明年卒年六十九克讓少好學手寫經籍盈於篋笥多收圖書墨跡歷官庶謹幹局所至有聲每視事自旦至暮或通夕斷決如流無有凝滯當時稱為能吏子希閔字無間生而失明令諸

弟讀經史一歷耳輒不能忘屬文善緘尺趙普守西洛府中牋疏皆希閔所為將奏署本府掾固辭不受普優加給贍張齊賢李沆薛惟吉張茂宗繼領府事皆優待之卒年三十九有集二十卷自教三子日華日嚴日休皆登進士第日華都官員外郎日嚴職方員外郎日休殿中丞希閔弟希甫淳化三年進士至屯田員外郎從子日宣亦登進士第

段思恭澤州晉城人曾祖約定州司戶祖昶神仙令父希堯晉祖鎮太原辟為從事與桑維翰同幕府晉有天下希堯累歷清顯思恭以門蔭奏署鎮國軍節

度使官天福中希堯任棣州刺史兼權鹽筴制置使  
思恭解官侍養奉章入貢改國子四門博士賜緋開  
運初出爲華商等州觀察支使劉繼勳節制同州辟  
爲掌書記繼勳入朝會契丹入汴軍士誼譟請立思  
恭爲州帥思恭諭以禍福拒而弗從乃止漢祖建國  
授左補闕隱帝時蝗詔徧祈山川思恭上言赦過宥  
罪議獄緩刑苟獄訟平允則災害不生望令諸州速  
決重刑無致淹濫必召和氣從之歷度支駕部周顯  
德中定濱州田賦世宗嘉之賜金紫丁外艱服闕拜  
左司員外郎建隆二年除開封令遷金部郎中乾德

初平蜀通判眉州時亡命集衆攻通州城刺史趙廷  
進懼不能敵將奔嘉州思恭止之因率屯兵與賊戰  
彭山軍人皆觀望無鬪志思恭募軍士先登者厚賞  
於是諸軍賈勇大敗賊思恭矯詔以上供錢帛給之  
後度支請按其罪太祖憐其果幹不許令知州事丁  
母憂起復俄召爲考功郎中知泗州會馮繼業自靈  
州舉宗來朝帝以思恭代知州事仍語之曰馮繼業  
言靈州非衛霍名將鎮撫之不可汝其往哉思恭曰  
臣奉詔而往必能治之帝壯之賜窄衣金帶錢二百  
萬仍以塗涉諸部令別齎金帛以遺之思恭下車矯

繼業之失綏撫夷落訪求民病悉條奏免之俄而回  
鶻入貢路出靈州交易於市思恭遣吏市硎砂吏爭  
直與之競思恭釋吏械其使數日賞之使還懇其主  
復遣使齎牒詣靈州問故思恭理屈不報自是數年  
回鶻不復朝貢久之遷右諫議大夫知揚州朝廷方  
經略江表命思恭兼沿江巡檢每出巡委州事於通  
判以牌印鼓角金鉦自隨驛書自京師來者令齎至  
其所事多稽滯因與通判李岩相告訐詔以屬吏思  
恭辭不直責授太常少卿改知宿州太宗即位遷將  
作監知秦州坐擅借官庫銀造器又妄以貢奉為名

賤市俄毛虎皮為馬飾為通判王廷範所發降授少  
府少監知邢州太平興國六年遷少府監雍熙元年  
南郊畢表乞復舊官再為右諫議大夫二年知壽州  
端拱初遷給事中尋知陝州淳化二年卒年七十二  
思恭以門資歷顯官不知書無學術然曉吏事所  
至必著勸績子惟一至太常博士三司度支判官從  
子惟幾進士仕至兵部員外郎  
侯陟淄州長山人漢末夏明經周廣順初試拔書郎  
為西州回鶻國信使判官遷補嘗遷三簿司門員外  
郎姚恕凡四為陟為襄武今世州防禦判官襄陽襄

陟

宋史卷之三十九

字四百金  
邑令建隆初為寬甸金以青幹閣二年擢為左拾遺  
仍知縣事節度袁彥頤為不法陟言言之彥上表  
謝自陳無罪太祖亦不窮治四年彥領本縣屯兵  
俄改陞南轉運使賜緋衣黑銀帶尋右補闕乾德三  
年就改侍御史明年入為左司員外郎依前充判官朝  
議欲以本官領省事改度文員外郎依前充判官開  
寶王正復為左司員外郎五年權判吏部銓俄賜金  
紫十二月詔與戶部員外郎知制誥王祐等同知貢  
舉未鎖宿出知揚州會州師取金陵以所部敗商  
唐軍入於宣化城俄在部下所訟追赴關陟度理

寬乃求京盧多遜多遜素與陟善為其畫計將  
未拔太祖厭兵南土暑熾軍卒疫死方議休兵以為  
後圖陟適從揚州來知金陵危甚多遜令上急變求  
見陟時被病令掖入即大言曰南唐平在朝上陛下  
奈何欲班師願急取之臣若誤陛下願夷三族上屏  
左右召升殿問狀遂與前議遂赦陟罪復知吏部選  
事太平興國初遷戶部郎中俄而遷右京百司事  
詞涉於陟南曹雷德驤將奏劾之陟遂便殿自出  
為河北轉運使在太原為太原更路轉運使遷次  
鎮州命先還上都供頓軍需以功遷左諫議大夫權



守三百九十二个  
御史中丞事五年同知貢舉開寶末趙普在中書陟  
嘗上疏言其短至是普毋入相陟頗憂憲六年兩郊  
畢加給事中七年三司使王仁贍左降以陟與王明  
同判三司八年陟贈工部尚書陟有吏幹性狡繪好  
進善事權貴以中傷入太祖嘗召刑部郎中楊克讓  
命坐與語日諭以將大用陟素忌克讓頃知之因奏  
事上問識楊克讓否陟曰臣與克讓其善知其人才  
識朝廷佳士也近聞其自言上許以大用多市白金  
作飲器以自奉臣頗恠之上怒亟令克讓出與郡其  
險詖如此

李符字德昌大名內黃人漢乾祐中郭從義討趙思  
綰於京兆碎符在幕府表為京兆府戶曹掾歷郿縣  
主簿保義軍節度推官丁內艱服除調汝州防禦判  
官權知州事右庶子楊格薦為大理正乾德中知歸  
州轉運司判置歸朝以京西諸州錢帛不登選知京  
西南面轉運事表復宜百餘條凡四十八事命著為  
令賜緋魚因奏對稱旨遷起居郎後荆湖轉運許仲  
宣隨軍討南唐詔符赴荆湖調發舟楫符領船數千  
艘順流而下事畢賜金紫符又建議鑿福江河以通  
漕運發和州三縣丁壯給其役太祖徵幸西京有事

宋史三百九十二

卷一百九十二

列傳

李符

字四百令十下

于南郊符二書噴八難曰京邑凋弊一也宮闕不備  
二也郊廟未修三也日司不具四也畿內民困五也  
軍食不充六也壁壘未設七也子乘魚騎盛暑高行  
八也不從禮畢還京改比部員外郎判刑部太平興  
國初遷加馬部轉祠部郎中知廣州兼轉運使二年符  
圖海外諸道及嶺外花木各一以獻在任有善政民  
為立生祠五年召為右諫議大夫判吏部銓兼大理  
寺理三司副使范曼得罪以符代之賜白金三千兩  
車駕幸大名領行在三司未幾坐與官屬競課日取罷  
職守本官七年春開封尹美大王廷美出守西京以符

知開封府廷美事發太宗令歸第省過謂符上  
言廷美在西洛非使恐有他變宜遣遠郡以絕人望  
遂有房陵之貶普恐泄言坐符用刑不當毀寧國軍  
行軍司馬盧多遜貶崖州也符白普曰珠崖雖遠在  
海中而水土頗善香州稍近瘴氣甚毒至者必死願  
徙多遜處之普不答先是太宗尹京符因宋琪為彌  
德起事藩部符貶德起為極密副使屢稱其寬會德  
起以事貶帝惡其朋黨符表普請符知春州至  
郡歲餘卒年二十九符無文學有吏幹如希人主意  
以未進用終以此貶至道二年郊祀追復之符諫議大

符上言

夫祥符五年錄其子瑛試將作監主簿

魏正字齊物相州人頗涉學問周世宗鎮澶淵辟司

法參軍有盜五人獄具不疑其寃緩之不數日果獲

真盜世宗嘉其明慎歷頭立冠氏元城三縣令世宗

即位改右班殿直自陳本以儒進願受本資官世宗

曰方今天下未一用武之際藉卿幹事勿固辭也未

幾出監明靈武軍世宗征淮甸不獲江南諜者四人

部送行在詔獎之賜錢十萬還供奉官供備庫副使

太祖即位改作坊副使時楊承信帥河中或言其反

則未安命五賜承信生辰禮物陰察之還言其無狀

太祖嘗召對語不曰作坊久積弊不為我修整之五

在職盡力以及次轉正使開寶九年領代州刺史凡

典工作十餘年討澤潞維揚下荆廣收川峽征河東

平江南太祖皆先期諭旨令修初器械無不精辦舊

床子弩射也七百步令小增造至千步及改繡衣鹵

簿亦專教不裁製不撤本坊舊屋為倉備中收儲直

及驚死馬骨歲得錢七千餘緡工匠有喪者均給之

太祖幸洛郊祀三司使王仁贍議雇民車牛運法物

太祖以勞民不悅召不議之不請揀本坊匠少壯者

二千餘分為遞鋪輸之時以為便雍熙四年代嘉正

宋史卷一百七十一

太祖本紀卷之五十五

三

惠

字百各分  
為戶部使端拱初遷度支使是冬出為黃州刺史遷  
朝召對便坐賜御書急就書朱邱集不遇作歌以獻  
因自述願授臺省之職太宗面諭曰知卿本儒生然  
清望官奉給不若刺史之優也淳化初陞汝州刺史  
歷知鳳州改襄州境內久旱不以誠禱之二夕雨活  
是明年召還屢求退居西洛不許四年春求致仕授  
左武衛大將軍仍領汝州刺史俄判金吾街仗初六  
街巡警皆用禁卒至是詔左右街各募卒千人優以  
廩給使傳呼備盜至以新募卒引對遂分四營營設  
五都一如禁兵之制五年改領鄂州刺史俄改領復

改判西京留司御史臺初樞罷桂陽監以亡贊善大  
夫孔璘代之璘通三禮嘗講學於河朔擢第歷州縣  
及升朝蒞桂陽歲滿以太子洗馬趙瑜代之瑜趙州  
人家世豪右自言諳練邊事開寶中命爲易州通判  
歲滿移桂陽瑜至即稱疾遂以著作郎張侃代之侃  
至月餘奏瑜在任累月得羨銀數千斤雖送官而不  
具數聞計樞與璘隱沒可知矣詔下御史案之獄具  
有司計盜贓法俱當死太祖曰趙瑜非自盜但不能  
發適耳樞璘並坐死瑜決杖流海島擢侃爲屯田員  
外郎

論曰顏術振舉風憲不避疆禦劇可久居廷尉之任以平允聞趙逢果斷之士而獨尚嚴酷處之要密之職則非所宜蘇曉銳意深刻樂致人罪後嗣衰謝厥報不誣高防陳逆順以聳臣節體明慎而寃疑獄治迹清操沒而彌章若其自誣以裨人之死古人何加焉馮瓚省關市之苛賦設方畧以擊賊功若可稱而巧宦任數竟致傾敗理固然矣邊羽王明許仲宣揚克讓當官效用以清幹稱然仲宣寬簡恃重造次不撓蓋人之難能者王明累參戎事預立戰功至若問諭元福止其暴誅此赴蹈之仁也民思恭還亂兵擊群寇便宜從事以著奇績斯亦可矣然不能動遵規矩速訟在降者再焉侯陟吏才適用患在忤刻李符博通時務乃事深文以致投荒自弊遂爲口實魏丕久典工効以濟戎用至於平反寃盜之獄抹揚承信之誣善尤可稱董樞論平吳伐蜀及取廣南咸克舉之且多戰功而以貪墨取敗借哉

列傳卷第三十

宋史二百七十一

開禧嘗言上請國鑿國置前書在相體修國之始雖事都總魏魏等

勳

馬令琮

杜漢徽

張廷翰

吳慶祚

蔡審廷

周廣

張勳

石曦

張藏黃

陸萬友

解暉

李翥

王喜錫

郭廷謂從子

延澤

趙延進

輔超

馬令琮本名令威避周祖名改之大名之父全節五代史有傳全節歷橫海定遠昭義彰德定武五節六

節彥皆署令琮為牙校累授彰德牙內都指揮使校尚書左僕射領勤州刺史令琮少善騎射嘗從其父平安州及與鎮州安重榮戰皆有功由是知名晉開運二年全節卒令琮起復拜隰州刺史漢祖開國為西京巡檢使周祖受命改陳州刺史征兗州為京城四門外巡檢世宗嗣位移隨州顯德二年入為虎捷左第一軍都指揮使六年兼領連州刺史太祖即位出刺懷州李筠叛將親征召三司張美餉公令美言河內密邇上黨令琮日夜儲蓄以俟王師太祖善之命授團練使執政言令琮方壯意大軍不可移他郡故升懷州為團練以令琮充使又充先鋒都指揮使澤潞平為昭義兵馬鈐轄踰年被疾詔許歸郡乾德元年卒年二十九太祖甚憐之錄其子延恩為殿直

杜漢徽京兆長安人父阿孫為太原威勝軍使漢徽有齊心善騎射年十七仕於唐武皇為聽直隊長天咸中累遷護聖軍使晉天福六年漢徽等討安州李金全生禽指揮使孫厚以功遷歸德府節度使八年從征鎮州安重榮敗護聖軍漢徽為左贊善大夫開運二年以所部攻澤州漢徽為左贊善大夫



獲其衆漢初從高行周討吐蕃威震塞外漢軍流矢所  
中身被重創精力戰勦者壯之又率所部戍鎮州破  
契丹於靈壽獲重馬甚衆周世宗征劉崇漢祿有戰  
功補龍捷左第五軍都虞候移所部屯安平縣破契  
丹於懸壘獲器甲車帳還本軍左第四軍都虞候宋  
初補本軍都校領茂州刺史改領潮州從平李筠又  
從平李重進錄功居多建隆三年出為天長軍使移  
雄武軍使知屯田事是冬被病即以符印授通判宋  
鸞請告歸京家人勸其求醫藥漢微笑曰我在戎行  
四十年大小百餘戰不死幸矣安田藥為未幾卒

張廷翰冀州信都人父慎圖仕周為兵部郎中廷翰  
少慷慨有智畧善騎射晉天福中冀州刺史張建武  
召補牙校其後刺史李冲署為本州牢城軍校契丹  
入中原署其黨何行通為刺史契丹主道殂州人共  
殺行通推廷翰知州事漢初就拜刺史廷翰盡捕殺  
行通者戮於市為政寬厚簡易民甚愛之周廣順初  
召赴闕周祖見其貌魁偉謂樞密使王峻曰冀州近  
邊雖更擇人亦無踰廷翰者即日遣還在郡八年契  
丹將高牟翰數擾邊皆為廷翰擊走廷翰家富於財  
歲遣人齎金帛北入市善馬常得數百匹貢獻外悉

遺貴近甚獲美譽顯德中歷棣海沂三州團練使屢  
率兵敗淮人移萊州宋初又歷冀亳二州乾德二年  
卒年四十七

吳虔裕許州許田人父徽左屯衛將軍虔裕少爲郡  
吏漢祖鎮許愛其精謹署以右職及移鎮太原以虔  
裕從開國擢爲引進使轉內客省使時鎮州節度劉  
在明卒遣虔裕率兵巡護隱帝即位召爲宣徽北院  
使周祖討三叛以虔裕爲河中行營都監率護聖諸  
軍五千以往李守貞出兵五千餘設梯橋分五路於  
長連城西北以禦周祖周祖令虔裕率大軍橫擊之

蒲人敗走奪其梯橋殺傷大半師還賜襲衣玉帶會  
樞密使楊邠上言求解職隱帝遣人諭邠曰樞機之  
任非卿不可卿何職間離而爲此請耶使至而虔裕  
在坐即颺言曰機要重地非可久處俾後來者迭居  
可也使還以白帝帝怒出虔裕爲鄭州防禦使乾祐  
末誅大臣急詔入朝命將兵守澶州及留子陂戰敗  
遂降周祖廣順初遣還賜以襲衣玉帶鞍勒馬從周  
祖討慕容彥超破之改汝州防禦使歷右衛左金吾  
衛二大將軍兼街仗使太平興國六年遷右千牛衛  
上將軍仍判左街仗事虔裕掌金吾三十餘年端拱

初卒年八十八贈太尉虔裕性簡率言多輕肆右金  
吾上將軍王彥超告老虔裕語人曰我縱僵仆殿階  
下斷不學王彥超七十致仕人傳笑之每朝會及從  
遊宴太宗憐其壽高常慰撫之子延彬至儀鸞副使  
延彬子仁美至內殿崇班

蔡審廷磁州武安人曾祖凝邢州別駕祖綰武安遠  
城三治使父顯洛州長史審廷少能騎射晉初應募  
補護聖散都頭周顯德初擢為殿前散員轉鐵騎副  
兵馬使從世宗戰高平有功遷軍使太祖為殿前都  
點檢從世宗征淮南審廷隸麾下預戰紫金山攻副

指揮使宋初授殿前散都頭指揮使從征李筠攻澤  
州先登為飛石傷足帝賜以良藥美酒及車駕還京  
幸其官署問之賜賚甚厚尋轉內殿直都虞候俄改  
伴飯都指揮使建隆中領富州刺史兼內外馬步軍  
副都軍頭乾德初授冀州刺史征太原時為北面步  
軍都指揮使屯兵易州審廷訓練士卒甚整太祖過  
鎮陽見於行在所賜名馬寶劔命為鎮州兵馬都鈐  
轄開寶八年卒年六十九

周廣字大均其先應州神武川人父密事晉歷鄜延  
晉三鎮節度使周廣順初至太子太師致仕廣幼從

其父爲牙校漢初授供奉官未幾擢左千牛衛將軍  
周祖命將討慕容彥超於兗州以廣爲行營都監賊  
平錄功遷右武衛將軍俄改右神武將軍充鎮淮軍  
兵馬都監從世宗征淮南既得江北數州即命廣勞  
來安集民甚德之因領常州刺史兼內外馬步軍都  
軍頭淮南平改眉州刺史宋初授隰州刺史乾德三  
年遷潘州團練使令訓練雄武諸營開寶二年從征  
太原爲攻城樓櫓戰權都部署師還加內外馬步軍  
副都軍頭六年改右屯衛大將軍領郡如故太平興  
國二年卒

張勳河南洛陽人晉開運中事留守景延廣爲典客  
延廣表爲供奉官周世宗將征淮南以勳爲申州綠  
淮巡檢因採光州機事聞于朝廷即命勳率兵同討  
平之遂監光州軍充內外巡檢後攻黃州敗吳人於  
麻城復破栢業山砦目中流矢遷內園副使及征瀛  
莫以爲霸州兵馬都監初征李筠勳從石守信董前  
軍拔大會砦及敗筠衆於太行破澤州皆預有功太  
祖還京命權知許州未幾李重進叛又詔與石守信  
李處耘先率兵進討拔揚州以勳爲兵馬都監遷旣  
遂使討朗陵克前軍兵馬都監荆湖平以功就拜衛

州刺史乾德初克彬州及桂陽監以勲為刺史兼監  
使五年代歸至揚州卒年六十八太祖甚憐之錄其  
子廷敏為殿直勲性殘忍好殺每攻破城邑但揚言  
曰且斬頗有橫羅鋒刃者將赴衡州州民皆涕泣相  
謂曰張且斬至矣吾輩何以安乎

石曦并州太原人晉祖弟韓王暉之子天福中以曦  
為右神武將軍歷漢至周為右武衛左神武二將軍  
恭帝即位初為左衛將軍會高麗王昭加恩命曦副  
左驍衛大將軍戴交克使建隆三年再使高麗還左  
驍衛大將軍護泰州屯兵西人犯邊曦率所領擊破

之斬渠帥十三人太祖征晉曦領兵二千人自澤潞  
除道至太原壅汾水灌其城又益兵千人部攻遼州  
俄知雄州代為潭州鈐轄開寶八年領兵敗南唐軍  
二千餘于袁州平梅山板倉諸洞蠻寇俘馘數千人  
太平興國中歷右神武右羽林大將軍連知孟襄二  
州遷領誠州刺史雍熙四年改知霸州兼部署會陳  
廷山謀以平戍軍叛入北邊曦察知之與侯延濟定  
計禽廷山以獻錄其功加領本州團練使同知鎮州  
淳化二年移原州遷右龍武軍大將軍被病請告詔  
特給全奉四年卒年七十四贈賻加等

張藏英涿州范陽人自言唐相嘉貞之後唐末舉族  
為賊孫居道所害藏英年十七僅以身免後逢居道  
於豳州市引佩刀刺之不死為吏所執節帥趙德鈞  
壯之釋而不問以補牙職藏英後聞居道避地關南  
乃求為關南都巡檢使至則微服携乃鐵櫪匿居道舍  
側伺其出擊之仆於地齧其耳取之遂禽歸設父母  
位陳酒肴縛居道於前號泣鞭之三日其肉經三日  
其心以祭即詣官首服官為上請而釋之燕薊間目  
為報讎張孝子契丹用為盧臺軍使兼權鹽制置使  
領坊州刺史周廣順三年率內外親屬兵所部兵十

餘人及資鹽戶長幼七十餘口牛馬萬計舟數百艘  
航海歸周至滄州刺史李暉以聞同祖頗疑之令館  
於封禪寺俄賜襲衣銀帶錢千萬絹百匹銀器鞍勒  
馬數月世宗即位授德州刺史未幾召歸對便殿詢  
以備邊之策藏英請於深州李晏口置砦及誘境上  
亡命者以隸軍願為主將得便宜討擊世宗悉從之  
以為緣邊招收都指揮使賜名馬金帶藏英遂築城  
李晏口累月募得勁兵數千人會遣鳳翔節度王彥  
超巡邊為契丹所圍藏英率新募兵馳往擊之轉戰  
十餘里契丹解去改濮州刺史仍領邊任契丹將高

牟翰以精騎數千擾邊藏英逆擊於胡盧河北自旦  
至晡殺傷甚衆值暮收兵契丹遁去後因領兵巡樂  
壽契丹幽州驍將姚弋弼偵知藏英兵少以精騎二  
千陣於縣之北藏英率麾下擊之自辰及申士皆殊  
死戰內斌遂解去世宗降爾聿曷美征瓦橋關為先  
鋒都指揮使敗契丹騎數日於關北下固安縣又敗  
關南排陣使宋初遷瀛州團練使并護關南軍建隆  
三年卒於治所年六十九孫鑑自有傳

陸萬友蔚州靈丘人少隸太原為裨校漢祖起義擢  
為護聖指揮使隱帝即位出為天權軍馬軍都指揮

使周祖之起兵也萬友預謀及踐阼擢為散員都指  
揮使領獎州刺史世宗嗣位遷龍捷左第三軍都指  
揮使轉控鶴右廂都校領虔州團練使改虎捷右廂  
領閩州防禦使恭帝嗣位出為安州防禦使宋初歷  
沂蘄二州防禦使乾德四年改汝州開寶中討南唐  
造舟于采石磯以濟師命萬友守之江南平為和州  
防禦使太宗嗣位以為晉絳等州都巡檢使帝征太  
原克汾石二州以萬友為石州都巡檢使俄兼知石  
州移巡警鳳翔秦隴代歸詔知瀛州在郡二年政務  
苟簡雍熙二年改右監門衛大將軍充河陰兵馬都

監逾年卒年七十三萬友始業巧鑊既貴遠不忘本  
以銀為巧鑊器數十事示子孫性猛暴以武勇自任  
所至無善政太宗以其勲舊恩遇不替聘其次女為  
許王夫人

鮮暉洛州臨洛人父珪應募為州兵後唐天咸中西  
征至劍門沒於陣暉少有勇力以父死戎事得隸兵  
籍成鴈門與契丹接戰斬首七級獲酋長一人以功  
遷奉國軍隊長晉天福中安重榮反鎮州因舉兵向  
關至宋城晉師逆戰大破之暉募軍中壯士百餘人  
夜擣賊壘殺獲甚眾暉頻中流矢而督戰自若顏色

不撓以功遷本軍列校周廣順初劉崇與契丹侵晉  
州暉從都部署樞密使王峻等往援之暉率敢死士  
三千餘夜入契丹帳擊之殺獲甚眾遷本軍第五指  
揮使從世宗征淮南率所部下黃州禽刺史高弼遷  
虎捷第一軍都虞候宋初步軍都軍頭從征澤州力  
戰目中流矢師還策勲為內外馬步軍副都軍頭建  
隆四年充湖廣道行營前軍戰權都指揮使潭州平  
降爾書獎諭偽統軍黃從志據岳州暉率舟師討平  
之生禽從志及將校十四人俘斬數千溺死者眾敗  
控鶴右第二軍都指揮使領高州刺史乾德六年詔



領所部軍屯上黨從李繼勳略太原開寶九年破太原軍於境上斬首千餘級獲馬三十四匹改均州刺史太平興國二年詔於潞州北亂柳石園中築城名威勝軍以暉為軍使從征并州與尚食使石彥贊率所部先下隆州殺并州三百餘人招討使李詢等六人以獻于行在所賜予有加復令與彥贊督戰士隸城西行營分攻太原劉繼元降太宗以太原宮女三人賜暉俄以功遷本州團練使知顯州雍熙初元雲應寰州忻代等州都巡檢使三年代歸本郡淳化二年被病上章告老改右千牛衛大將軍致仕詔未至而

交生八十四鴉猛木強每受詔征伐常身先之入所懼者暉視之若甚易由是頗立戰功金創衲體時稱

李繼勳人負重方臉氣善用鎗為禁軍隊上因祖征二叛勳從白文珂攻河中兵傳其城文珂夜詣勳袒護勳軍留勳城下待營初未備本守貞乘唐末表營中忽見火發知賊襲至惶怖失據客省夜聞言即率左右數十人過船於月城側謂勳曰事急矣城中人悉被毒鎗田為天光所照色俱白以殊為難勳至無聞志何驚憤怒曰豈有食君祿而不為國效死

耶即獲精而進軍中死二千餘董隨營犯賊無遺有  
猛將躍馬持戈擬斬諸刺之洞曾而墜又連殺數十  
人董軍遂潰因擊之破之守貞自是閉關不敢出俄  
覽將三三鐵降城遂平謫由此知名遷還軍校也為  
稍州刺史移慈州乾德六年卒

王晉卿河朔人少勇武為鄉里所推周世宗在澶淵  
晉卿以武藝示身得釋帳下交即補東頭供奉官  
從戰高平征淮南每遣宣傳密旨甚親信之洎北征  
為矢鋒都監督戰有功詔權控鶴都虞侯克關南拔  
軍器庫使顯德四年為龍捷右第一軍都指揮使領

彭州刺史恭帝即位出為濱州刺史乾德中為興州  
刺史四年移漢州時蜀初平寇盜充斥晉卿嚴武備  
設方略禽捕剪滅靡有遺漏自是雖劇賊無敢窺其  
境然以賄聞太相惜其才而不問秩滿歸闕以疾未  
願養改左監門衛將軍奉朝請負重錦十匹銀千兩  
以謝詔不納以其贖貨愧之也未幾詔戍北邊疆場  
清肅開寶四年復授莫州刺史在郡謹斥候善撫循  
士卒皆樂為之開邊民安堵六年八月卒年六十七  
郭廷謂字信臣徐州彭城人父全義仕南唐為濠州  
觀察使廷謂幼好學工書言騎射補殿前承旨改濠

州刺史

州中軍使李景每令俱中朝機事入奏全義立擢莊  
宅使濠州監軍周世宗攻淮右南人屢敗城中甚恐  
廷謂與州將黃仁謙為固禦之計周師遣謀以鐵券  
及其壘廷謂拒之城內負販之輩率不逞廷謂慮其  
亡逸籍置大寺遣兵守之給日食俾製防城具隨其  
所習以故周師卒不得覘城中虛實周師為浮梁渦  
口命張從恩焦繼勳守之廷謂語仁謙曰此濠壽之  
患也彼以騎士勝我利於陸我以舟師銳故便於水  
今夏久雨淮流汎汎願假舟兵二千斷其橋屠其城  
直抵壽春仁謙初以其議不得已從之即輕權街校

抵其橋麾兵斷窄乘孫火之周師大餉死者不可計焚  
其資糧而還以功授武殿使周師退保定遠又募壯  
士為負販狀入定遠偵軍多寡及守將之名還曰武  
行德周務勳也廷謂曰是可圖也又籍鄉兵萬餘洎  
卒五千日夕訓練依山銜枚設伏以破之周師大潰  
行德單騎脫走時有以王帛子女餉廷謂者悉拒之  
唯取良馬二百匹以獻以功為滁州刺史上淮越檢  
應援兵馬都監及紫金山之戰南唐諸將多歸降者  
獨廷謂以全軍還守濠州追不能及時濠守欲棄城  
走廷謂止之俄加本州團練使繕戈田治濠壘常若

四百令之宗... 敵至是秋周師復至表于景請援且言周兵四臨之  
甲辭請和以固鄰好夜出敢死士千餘襲周營焚頭  
車洞屋周師蹂躪死者甚衆既而援兵不至周師急  
擊定謂集諸軍壘門之外南望大慟而降于周至山  
陽見世宗特加宴勞賜金帶襲衣良馬哭器四拜亳州  
防禦使以其弟本州馬步都校廷讚為和州刺史命  
攻天長軍降其將馬贊又為樓櫓戰權左右廂都監  
俄歸譙郡宋初從征上黨拜知亳州乾德二年代還  
改絳州防禦使兩川平馮瓚知梓州為僕夫所訟召  
廷讚為靜江軍節度觀察留後以代之州承舊政有

蔡宅戶車脚戶皆隸州將鷹鷄戶日獻雉兔田獵戶  
歲入皮革又有鄉將都將鎮將輩互擾閭里廷謂悉  
除之開寶五年卒年五十四廷謂祖恭謹事母以孝  
聞未嘗不束帶以待子廷濬廷謂兄廷諭仕為唐為  
太子洗馬致仕宋初至秘書監廷謂子廷澤  
廷濬字利川幼謙和初廷謂為靜江軍節度使廷濬  
為桂州牙內都指揮使廷謂卒太祖葬廷濬為供奉  
官屢使西北宣諭機事太平興國初以內庭宣索及  
幣則賜香糝文庫務未有專箱之者乃置合同簿由  
應命廷濬與內藏庫副使劉蒙正等之司  
作司

及晉治汴河維熙三年改崇祥俄使詔國塞守崇田仁  
朗王繼恩往河北分路按行諸州城邑每歲令守之  
端拱二年詔建河北方田命延濬等五人往規畫  
會罷其務而止淳化四年李順亂西京作坊使充  
成都十州都巡檢使時成都將陷延濬單騎入城與  
郭載議募亡卒退深劍門賊勢千步臨首谷擊破之  
王繼恩率兵王以延濬為先鋒據若使即領兵倍道  
先進賊出探騎數十延濬悉禽之盡得賊機事延濬  
易旗變號賊不知覺斬關掩入斬千餘級繼恩又請  
延濬知漢州州經兵變解合橋梁城若乘毀延濬募

軍民葺之入率州帑以應軍須錄功改洛苑使又  
率兵屯遂州劔門鈐轄轉運使劉鋹言其勞詔書嘉  
獎真宗初改內園使代還會河朔用兵延濬馳往邊  
城按視若壘咸平二年疾卒子有倫為供奉官閣門  
祇候

延濬字德潤南唐武祕書官正字乾德中四遷著作  
佐郎轉中丞知建州淳化二年太宗聞延濬相右  
者善書大夫董元亨皆好學博通典籍詔宰相召問經  
史大義皆條對雜旨命為中書祕書監周易傳  
士國子博士咸平中求休退還部員外郎致仕

濠州城南有小園以自娛其誅世宗餘首與諸  
萬餘卷手自刊校范杲韓丕皆與之書言德初卒元  
亨亦至虞部言外郎骨續玄門碑誌二十卷

趙延進澶州頓立人父暉周太子太師暉為偏將時  
趙在禮據鄴延進頗親學學與軍中少年入民家覓  
取財賄延進獨持書數千編以歸同輩哂之漢末暉  
領鳳翔節度未壯鎮王景崇據城反命暉為都招討  
使擊之延進年十八擢當軍鋒景崇死延進奉捷奏  
以入授鳳翔牙內指揮使領貴州刺史暉徙宋州亦  
從為牙將改領萊州刺史睢陽有盜數百各立首帥

為民患延進以父命領牙兵千餘悉禽戮之詔書褒  
美丁外艱表求待服既終喪周世宗征淮南延進獻  
萬縑以助軍仍請對世宗召見之時延進有從兄為  
虎捷都虞候帳前橫衝指揮使世宗指延進語之曰  
爾弟拳勇有謀將授以禁軍大校延進自陳好讀書  
不願也翌日授右千牛衛將軍濠州兵馬鈐轄從征  
瓦橋關為隨駕金吾衛仗使未初遷右羽林軍將軍  
濠州都監會伐蜀以襄州當川路津要命為鈐轄同  
知州務蜀平專領郡事漢江水歲壞隄害民田常興  
工修護延進累石為岸遂絕其患入為兩浙漳泉國

信使開寶二年授右龍武將軍知靈州以母老願留  
得權判右金吾街仗使歷知河中府梓相青三州太  
平興國中大軍平并州討幽薊皆為攻取八作壕砦  
使嘗詔督造礮具八百期以半月延進八日成太宗  
親試之大悅又令主城北諸洞子及班師命與孟玄  
喆藥可瓊留屯定州遼人擾邊命延進與崔翰李繼  
隆將兵八萬禦之賜陣圖分為八陣俾以從事師次  
蒲城遼騎至延進乘高望之東西亘野不見其際  
翰等方按圖布陣陣去各有步士衆疑懼略無鬪志  
延進謂翰等曰主上委吾等以邊事蓋期於克敵爾

今敵衆若此而我師星布其勢懸絕彼若持我將何  
以濟不如合而擊之可以決勝也令而獲利不猶愈  
於辱國乎翰等曰萬一不捷則社稷之何延進曰儻有  
喪敗則延進獨當其責於是改而一陣前後相副士  
衆皆喜二戰大破之獲人馬牛千餘甲數十萬以功  
遷右監門衛大將軍知鎮州及心民數千守關借  
留詔許留一二年改右領軍府入神軍出為高陽關  
平戎軍都監兼緣邊巡檢改金轄知揚州召入授右  
平衛大將軍徙知相州遷右驍衛大將軍改知鄧州  
厚化初飛蝗不入境詔褒之遷判右金吾街仗事至

道二年奏在會衛大將軍咸平二年卒年七十二  
贈左武衛上將軍延進姿狀秀整通雅經史好作詩  
行三流以此多之延進妻即淑德皇后之妹故在顯  
德與國中願在以腹心子昂太平興國二年登進士  
第至云部郎中直昭文館

韓超忻州秀容人家世業農超少勇健有力晉開運  
中應募請涇州軍籍漢乾祐中超思結據未與叛周  
祖護詔將討之督兵攻城超率驍勇千七人升雲梯  
斫北門樓樓壞而入士卒繼進城遂陷以功補小校  
顯德中從太祖征淮南常執銳前驅定滁泗破淮陰

下揚州以功轉日騎副兵馬使宋初從平上黨再遷  
內直都知太宗即位以超為馬軍都軍頭會親征太  
原冒矢石攀堞先登身被十三創帝嘉其勇賜錦袍  
銀帶帛五十段詰朝再乘城中流矢者八復加厚賜  
大舉襲范陽分兵三路超隸偏將米信為田重進先  
鋒取飛狐蔚州遷馬步軍副都軍頭俄出補曹州馬  
步軍都指揮使領峯州刺史改欒州召歸轉都軍頭  
淳化三年出為德州刺史坐誣奏使者殿殺驛吏責  
授右監門衛將軍領誠州刺史五年復加都軍頭領  
澄州刺史真宗即位加領獎州團練使真拜萊州團



練使以年老願留京師從之景德元年卒年七十七  
論曰太祖有天下凡五代之臣無不以恩信結之既  
以安其反側亦藉其威力以鎮撫四方故一時諸將  
吳虔裕蔡審廷之徒數從征討咸有勞績焉若馬令  
琮守河內儲兵食以迎王師解暉擊湖南冒鋒鏑以  
禽敵將此忠蓋驍果尤可稱者漢微之疾危辭藥藏  
英之為親復讐亦皆一節之美惟張勳嗜殺晉卿肩  
貨雖立威著勤所不取也

列傳卷第三十

列傳卷第二十一

宋史二百六十二

開府儀同三司柱國錄軍國重事前中書右丞相兼樞密使

勅修

楊崇

子延昭等  
王貴附

荆罕儒 從孫嗣

曹光實 從子克明

張暉

司超

楊業并州太原人父信為漢麟州刺史業幼個儻任  
俠善騎射好畋獵所獲倍於人嘗謂其徒曰我他日  
為將用兵亦猶用鷹犬逐雉兔爾弱冠事劉崇為保  
衛指揮使以驍勇聞累遷至建雄軍節度使屢立戰

功所向克捷國人號爲無敵太宗征太原素聞其名嘗購求之既而孤壘甚危業勸其主繼元降以保生聚繼元既降帝遣中使召見業大喜以爲右領軍衛大將軍師還授鄭州刺史帝以業老於邊事復遷代州兼三交駐泊兵馬都部署帝密封橐裝賜予甚厚會契丹入鴈門業領麾下數千騎自西京而出由小陁至鴈門北口南嚮背擊之契丹大敗以功遷雲州觀察使仍判鄭州代州自是契丹望見業旌旗即引去主將戍邊者多忌之有潛上謗書斥言其短帝覽之皆不問封其表以付業雍熙三年大兵北征以忠

武軍節度使潘美爲雲應路行營都部署命業副之以西上閣門使蔚州刺史王侁軍器庫使順州團練使劉文裕護其軍諸軍連拔雲應寰朔四州師次桑乾河會曹彬之師不利諸路班師美等歸代州未幾詔遷四州之民於內地令美等以所部之兵護之時契丹國母蕭氏與其大臣耶律漢寧南北及室及五押惕隱領衆十餘萬復陷寰州業謂美等曰今遼兵益盛不可與戰朝廷止令取數州之民但領兵出大石路先遣人密告雲朔州守將俟大軍離代州日令雲州之衆先出我師次應州契丹必來拒即令朔州

民出城直入石碣谷遣強弩千人列於谷口以騎士  
援於中路則三州之衆保萬全矣侂沮其議曰領數  
萬精兵而畏懦如此但趨鴈門北川中鼓行而往文  
裕亦贊成之業曰不可此必敗之勢也侂曰君侯素  
號無敵今見敵逗撓不戰得非有他志乎業曰業非  
避死蓋時有未利徒令殺傷士卒而功不立今君責  
業以不死當為諸公先將行泣謂美曰此行必不利  
業六原降將分當死上不殺寵以連帥授之兵柄非  
縱敵不擊蓋伺其便將立尺寸功以報國恩今諸君  
責業以避敵業當先死於敵因指陳家穀口曰諸君

於此張步兵強弩為左右翼以接係業轉戰至此期  
以步兵夾擊救之不然無遺類矣美曰與侂領麾下  
兵陣於谷口自寅至巳侂使人登托羅臺望之以為  
勢舟敗走欲爭其功即領兵離谷口美不能制乃緣  
交河西岸行二十里後聞美敗即麾兵却走業力戰  
自午至暮果至谷口望見無人即批盾大衝每率旅  
下士力戰身被數十劍士卒始盡猶手刃數十百  
人馬重傷不能進遂為契丹所擒真子死王亦沒焉  
業因大息曰上遇我厚期討賊捍邊以報而反為寇  
臣所迫致王師敗績何面目求活耶乃不食二日死

宋史卷三十一

年四石六千  
一  
三

帝聞之痛惜其俄下詔曰執干戈而衛社稷聞鼓鼙而思將帥盡力死敵立節邁倫不有臨此崇曷彰義烈故雲州觀察使楊業誠堅金石氣激風雲挺虜上之雄才本山西之茂族自委戎乘式資戰功方提貔虎之師以効邊陲之用而群帥敗約接兵不前獨以孤軍陷於沙漠勁果毒厲有死不回求之古人何以加此是用特舉徽典以旌遺忠魂而有靈知我深意可贈大尉大同軍節度賜其家布帛千匹粟千石大將軍潘美降三官監軍王侁除名隸金州劉文裕除名隸登州業不知書忠烈武勇有智謀練習戰陣與士

卒同甘苦代北苦寒人多服氈罽業但挾纊露坐治軍事傍不設火侍者殆僵仆而業怡然無寒色為政簡易御下有恩故士卒樂為之用朔州之敗麾下尚百餘人業謂曰雖等各有父母妻子與我俱死無益也可走還報天子衆皆感泣不肯去淄州刺史王貴教數千人衆士盡死餘亦死無一生還者聞者皆流涕業既沒朝廷錄其子供奉官延朗為崇儀副使次子殿直延浦延訓並為供奉官延瓌延貴延彬並為殿直延昭本名延朗後改焉幼沉默寡言為兒時多戲為

宋史列傳卷三十一

軍陳業嘗曰此兒類我每征行必以從太平興國中  
補供奉官業攻應朔延昭為其軍先鋒戰朔州城下  
流矢貫臂鬪益急以崇儀副使出知景州時江淮凶  
歉命為江淮兩都巡檢使改崇儀使知定遠軍徙保  
州緣邊都巡檢使就加如京使咸平二年冬契丹擾  
邊延昭時在遂城城小無備契丹攻之甚急長圍數  
日契丹毋督戰衆心危懼延昭悉集城中丁壯登陴  
賊器甲護守燧寨汲水灌城上旦悉為冰堅滑不可  
上契丹遂潰去獲其鎧仗甚衆以功拜冀州刺史時  
真宗駐大名傳者極重兵頓中山延昭與楊嗣石普  
彥請益兵以戰潛不許及潛抵罪召延昭赴行在屢  
得封訪以邊要帝甚悅指示諸王曰延昭父業為前  
朝名將延昭治兵護塞有父風深可嘉也厚賜遣還  
是冬契丹南侵延昭伏銳兵於羊山西自北掩擊且  
戰且退及西山沃發契丹衆大敗獲其將函首以獻  
進本州團練使與保州楊嗣並命帝謂宰相曰嗣及  
延昭並出疎外以忠勇自效朝中已心之者衆朕力為  
保庇以及於此五年契丹侵保州延昭與嗣提兵援  
之未成列為契丹所襲軍士多喪失命李繼宣王汀  
代之將治其罪帝曰嗣輩素以勇聞且責其後效悉

宥之六年夏契丹復侵望都繼宣逗遛不進坐削職  
復命延昭為都巡檢使時講防秋之策詔嗣及延昭  
條上六利害又從寧邊軍部署景德元年詔益延昭兵  
滿萬人加契丹騎八寇則屯靜安軍之東令莫州部  
署石晉屯馬村西以護屯田斷黑盧口萬年橋敵騎  
太衝之路仍會諸路兵犄角追襲令魏能張凝田敏  
奇兵牽制之時王超為都部署聽不隸屬延昭上言  
契丹頓澶淵去北境千里人馬俱乏雖衆易敗凡有  
剽掠寧在馬上願飭諸軍扼其要路衆可殲馬即幽  
易薊州可襲而取奏入不報乃率兵抵遼境破占城

之賊其衆及請和真宗選邊州守臣御筆錄以示軍  
初命延昭知保州兼緣邊都巡檢使二年追叙備禦  
之功進本州防禦使俄徙高陽關副都部署在屯所  
九年延昭不達吏事軍中謬誹常遣小校周正治之  
頗為正所用因緣為帝知之斥正還營而戒延昭  
焉大中祥符七年卒年五十七延昭智勇善戰所得  
奉賜悉犒軍未嘗問家事出入騎從如小校號令嚴  
明與士卒同甘苦遇敵必身先行陣克捷推功於下  
故人樂為用在邊防二十餘年契丹憚之目為楊六  
即及卒帝遣桓之遣中使護柩以歸河朔之人皆望

極而泣錄其三子官其常從門客亦試藝甄叙之子  
文廣

文廣字仲容以班行討賊張海有功授殿直范仲淹  
宣撫陝西與語奇之置麾下從狄青南征知德順軍  
為廣西鈐轄知宜邕二州累遷左藏庫使帶御器械  
治平中議官衛將英宗曰文廣名將後且有功迺擢  
成州團練使龍神衛四廂都指揮使遷興州防禦使  
秦鳳副都總管韓琦使築築城文廣聲言城噴珠  
率眾急趣筆策北暮至其所部分已定遲明敵騎大  
至知不可犯而去遺書曰當白國主以數萬精騎逐

汝文廣遣將襲之斬獲甚眾或問其故文廣曰先人  
有奪人之氣此必爭之地彼若知而據之則未可圖  
也詔書褒諭賜襲衣帶馬知涇州鎮戎軍為定州路  
副都總管遷步軍都虞候遼人爭代州地界文廣獻  
陣圖并取幽燕策未報而卒贈同州觀察使

王貴者并州太原人廣順初補衛士宗初累遷至散  
員都指揮使馬步軍都軍頭領勝州刺史太平興國  
二年出為淄州刺史受詔從潘美北征攻沁州頗立  
戰功及從楊業為遼兵所圍親射殺數十人矢盡張  
空拳又擊殺數人遂遇害年七十三擢其子文晟供

奉官文昱致直

荆罕儒冀州信都人父基王屋令罕儒少無賴與趙鳳張輦爲群盜晉天福中相率詣范陽委質燕王趙延壽得掌親兵開運末延壽從契丹主德光入汴署罕儒密州刺史漢初改山南東道行軍司馬周廣順初爲率府率奉朝請貧不能振顯德初世宗戰高平戮不用命者因求驍勇士通事舍人李延傑以罕儒聞即召赴行在命爲招收都指揮使會征太原命罕儒率步卒三千先入敵境罕儒令人負束芻徑趨太原城焚其東門擢爲控鶴弩手大劔直都指揮使從平淮南領光州刺史改泰州爲下蔡守禦都指揮使兼舒鄆二州招安巡檢使四年泰州初下真拜刺史兼海陵鹽城兩監屯田使明年三月世宗幸泰州以罕儒爲團練使賜金帶銀器鞍勒馬六年春軍吏者艾詣闕請留恭帝詔褒之建隆初升鄭州防禦以罕儒爲使改晉州兵馬鈐轄罕儒恃勇輕敵嘗率騎深入晉境人多閉壁不出虜獲甚衆是年冬復領千餘騎抵分州城下焚其草市案兵以退夕次京土原劉鈞遣大將郝貴超領萬餘衆襲罕儒黎明及之罕儒遣都監甄遜副使閻彥進分兵以禦貴超罕儒歸視



裴甲據胡牀亭亡方割羊臂臠以啖聞彥進小部即  
上馬麾兵徑犯賊鋒并人攢戈春之罕儒猶格鬪手  
殺十數人遂遇害劉鈞素畏罕儒之勇常欲生致及  
聞其死求殺罕儒者戮之太祖痛惜不已擢其子守  
勳為西京武德副使因索京土原之不效命者黜慈  
州團練使王繼勳為率府率閻彥進為殿直斬其部  
下龍捷指揮使石進德等二十九人罕儒輕財好施  
在秦州有煮海之利歲入鉅萬認聽十收其八用猶  
不足家財入有籍出不問其數有供奉官張奉珪使  
秦州自言後唐張承業之子罕儒曰我生牛聞張特

進名幸而識其子加不待也未子解

儒雖不知書好禮接儒士進士保雍科覆落客  
游海陵罕儒問其所欲保雍以將歸京師且言緣江  
權務以絲易茗有厚利罕儒立召工裁奴令籍藏中  
絲得四千餘兩盡以與之然好勇善戰不顧勝負常  
欲削平太原志未果而及於敗人皆惜之罕儒兄延

福延福孫嗣

嗣乾德初應募為控鶴卒從李業勳討河東繼勳揮  
悍勇百人間道截落陽砦嗣出行聞請行手斬五十  
餘級賊焚砦宵遁薄汾河賊將楊業扼橋與

衆轉戰賊退踰橋殺業所部兵千計射中業從騎獲  
旗鼓鎧甲甚衆業退保城進焚南門奪羊馬城天集  
于面賊數千夜來薄砦繼動選勇敢五百人接戰而  
嗣為寇反旦戰數合多所斬賊從太祖征太原賊來  
拒焚洞子遣殿前務信領百人援之嗣預焉率先陷  
陣召見補御龍直太平興國初三遷至天武軍校太  
宗再征太原嗣自陳願率一隊先登命主城西洞子  
車駕巡師嗣登城手刃數賊足貫雙箭前中手斫折二  
齒太宗見之亟召賜錦袍銀帶從征幽州諒殺前峯  
翰斬三十級高龍備副指揮使五年平黃州從破州據  
有聖州闕城曠者出郭外敵進圍之亟出兵接戰十  
數合斬騎卒七百餘嗣軍夜相失在古城莊外三鼓  
突敵圍壁于莫州城下又領百人奔敵望槽斬五十  
級敵為橋界河將遁嗣邀擊之殺獲甚眾六年從遷  
彥進捍契丹于靜戎北砦于唐興口彥進遣嗣率所  
部度河與契丹戰敗之追奔二十餘里八年李繼遷  
寇邊嗣從袁繼忠田欽祚戍二义口為前鋒斬賊千  
餘追之獲牛羊鎧甲弓矢數千計進至萬井口賊路  
谷餘賊復來請戰初以雄武千人為後殿為賊所掩

繼忠命嗣援之凡數戰始與雄武合隊因列陣格鬪  
復奪人馬七百餘欽祚夜還依山為營賊亦若其下  
募勁卒五十往襲之嗣為其帥抵賊所刺殺百餘人  
林火其砦而還詔賜錦袍銀帶雍熙三年從田重進譚  
廷美率師入遼境疾戰飛狐口遼師不利重進引全  
師合擊遼騎引去進至飛狐城北遼將大鵬翼率衆  
復至重進陣壘東偏數戰不勝嗣出西偏麾兵薄  
山崖以短兵批戰遼兵敗投崖而下手斬百餘級散  
卒千餘在野嗣呵止之悉斷弦切管來降追至河槽  
復擊退餘衆屯土嶺裨將黃明與戰不勝將退嗣謂

之曰汝且頗兵於此為我聲援我當奪此嶺遂力戰  
追奪五十餘里抵舍頭而還又頗招收卒千人克倉  
頭小治二砦黃明與戰克首谷砦命嗣屯焉數日遼  
人復致師重進與戰奔突往來大軍頗擾重進召嗣  
合戰悉走之奪礮具鎧冑賊乘夜復圍首谷石門二  
砦重進遣嗣以精兵五百濟之嗣曰敵二萬餘今援  
師甚寡難以解圍重進頗憂之嗣曰譚師屯小治結  
兵二千額間道以往邊其策應中夜匹馬詣廷美廷  
美曰敵勢若此何可解也嗣曰請發全軍就平川預  
旗立隊別擇三二百人張白旗於道側彼見旗幟編

亘遠甚謂大軍繼至嗣自以所部五百疾驅往闕必  
克其志楚美許焉一日元五七戰遂兵遂引去咸知  
嗣所料蔚州之降也重進先命嗣率勇士數十人繼  
入是守將得其實狀翌日將受降而敵反拒大軍所  
出之路遂與闕殺傷甚衆屢進入城取守將之歸服  
者重進之壘糧運頗乏嗣遣降卒董州厚贖之遣接  
兵大至副都司使江謙妄言惑衆嗣即斬之悉收  
兵歛輜重復進若與遠人轉戰時重獲五人其四  
悉聞死至大嶺嗣與戰敗走之師還太宗引見便殿  
重進言其有餘德爾本軍都唐雁又從本軍繼進敵於

北平砦將赴蒲城道遇敵疾戰得獲其衆又戰于  
女祠繼隆進步卒二千伏定州言城為敵所攻命嗣  
援之至唐河橋嗣扼橋路出戰解敵圍數重與伏兵  
合分為三隊背水為陣敵將于越率騎百餘隊臨烽  
臺求戰嗣整兵與戰數合得與繼隆會又陣於東偏  
大敗之繼隆以聞詔嘉獎之遷本軍都指揮使領澄  
州刺史至道二年加御前忠佐馬步軍頭屯定州遷  
人入侵隸定是召提偏師捍遠兵於嘉山是召從高  
陽命嗣以兵二千為殿過平敵城遂衆十餘萬來嗣  
屢出戰及桑維翰來援夜二鼓敵悉至嗣曰夜不

宋史二百七十一

利夜戰我當破其壘以趣大軍即與齊翰合氣飛所  
部酋敵炬火多處并力奮之詰旦至濠州咸平三在  
加領本州團練使出為郎山路都巡檢使破敵壘於  
濠陰俘獲言衆四年命嗣領高八斷西山路會敵邊  
二六兵不及進而二五年真拜秦州團練使趙州部  
李踰年徙滄州是冬遼人入侵命率所部自齊州抵  
淄青警備景德初又命與劉漢凝田恩明率兵至冀  
州防邊俄赴潭州行在所會恩人請和復遣還任歷  
鄆州鳳翔永興節度使幸亳州留為舊城內同都  
巡檢使大中祥符七年改鄆州防御使亦寧環慶副

部署卒嗣起行間以勞居方面經百五十餘戰歿克  
子信貴並為左侍禁貴至內殿崇班  
曹光實雅州百丈人父疇為蜀靜南軍使控扼邛峽  
以捍蠻夷尤實少武勇有膽氣輕財好施不事細行  
意勢如也疇卒光實嗣職遷永平軍節度管內捕盜  
遊奕使乾德中太祖命王全斌等平蜀俄而盜賊群  
起夷人張忠樂者嘗群行攻劫且憾光實殺其徒黨  
率衆數千中夜奄至環其居鼓譟並進光實負其母  
揮戈突圍以出賊衆辟易不敢近賊殺其族三百餘  
口又發冢墓壞其棺擲光實請全斌具以事白紅雪

完憤時蜀中諸郡未下乃圖雅州地形要害兼陳用  
兵攻取之策請官軍先下之全斌壯其志令率兵先  
道東凡其城獲忠衆而甘心焉全斌乃署光實為義  
軍都指揮使殘寇猶據沈黎光實以所部盡平之遂  
以光實知黎雅二州兼都巡檢使安集勞來蠻族懷  
之六年秋全斌遣入貢京師遂言境內安乂乞罷義  
軍歸農太祖喜謂左右曰此蜀中傑俊也詔升殿勞  
問乂之以為黎州刺史開寶三年改唐州刺史及平  
交廣群盜未息以光實為嶺南諸州都巡檢使既至  
捕逐群盜海隅以寧太平興國二年就遷本州團練  
使車駕征河東以光實知威勝軍尋令調軍食光實  
入告顯提一旅奮銳先登帝曰資糧事重亦足宣力  
也河東平命為汾遼石沁等州都巡檢使五年改汝  
州團練使大軍北征與潘美分道出鴈門光實為前  
鋒遇敵迎擊敗之斬首數千級優詔嘉獎李繼捧之  
入朝也以光實為銀夏綏麟府豐宥州都巡檢使繼  
捧第繼遷逃入蕃落為邊患光實乘間掩襲至地斤  
澤俘斬甚衆破其族帳獲繼遷母妻及牛羊萬計繼  
遷僅免使人給光實曰我數奔北勢窘不能自存矣  
公許我降乎因致情款陳甥舅之禮期某日降於葭

盧川光實信之且欲專其功不與人謀及期繼遷先  
設伏兵令十數人近城迎致光實光實從數百騎往  
赴之繼遷前導北行將至其地舉手麾鞭而伏兵應  
之光實遂遇害卒年五十五帝聞之驚悼賜賻加等  
以其子大理評事克讓為右贊善大夫克恭為殿直  
淳化二年又錄克己為奉職後至內殿承制克廣至  
閣門祇候從子克明

克明字堯卿既生會敵攻百文縣父光遠遇害姆抱  
克明匿葦蒲中得免既長喜兵法善騎射從父光實  
奇之補為衙內都虞候光實擊于葭州戰歿克

明時護輜重在後聞光實死懼軍亂秘不發喪陽令  
人西來傳光實命還軍銀州而潛與僕張貴入敵中  
獲光實尸以還葬京師錄是顯焉初蜀八田京師者  
禁不得還鄉里克明以母老間道歸亦順反聞克明  
將家子且有之欲脅以官克明携母適山谷夜止神  
祠中亭有人叱之起既寤而賊果至及賊臨州  
克明募眾數萬人以迎王師遂復名山夾其夾門等  
九縣分兵嘉眉邛三州立七營以逐賊復本雅州  
六十餘人賊將何承祿等走雲南蜀軍獲西頭供奉  
官蔡元立馬蓋相以餘寇未息權四州軍泊巡檢明

宋史卷一百一十五 忠義列傳第五十五 光實

年煥洛濱卒鄧紹等復起攻潯州克明又平之還軍  
邛州遇賊王珂戰于延真嶺擊以奇兵三蹀躞又設  
伏山下步數十騎與賊接戰克明偃兵而所部失期  
伏不發克明挺身走賊追急乃備大石司弓三發斃  
三人由是獲免入朝改內殿崇班為溫台禁一州都  
巡檢使景德中蠻寇邕州改供備庫副使知邕州左  
右江蠻洞三十六克明召其酋長諭以恩信是歲承  
天節相率來集克明慰拊出衣服遺之感泣而去獨  
如洪峒恃險不至克明諭兩江防遏使黃衆盈引兵  
攻之斬其首領陸木前梟于市宜州澄海軍校陳進  
及時營江暴漲州城摧圮克明率丁夫伐木為連船  
維之水上狀如鄂郭又多張旗幟誘巨抵陳兵其  
為守禦備募溪峒兵三千而黃衆盈亦濟兵千五百  
將趣象州會巡撫使曹利用約克明會兵行次貴州  
遇賊大敗之斬首四百餘級賊平利用專其功代還  
直宗問南方事對稱旨賜一子官遷供備庫使江淮  
兩浙都大提舉捉賊克明使人捕賊輒出私錢賞之  
以故人人盡力視賊中趨勇者縛縛使還捕其營前  
後獲子餘人知江寧府張詠以其事聞賜錢四十萬  
領平內刺史知辰州撫水蠻叛徙宜融桂昭柝案

宋史列傳卷三十一



欽廉白十州都巡檢使兼安撫使既至蠻酋獻藥一  
器曰貉峒藥藥箭中人以是解之可不死也明曰何  
以驗之曰請試以鷄犬克明曰當試以人乃取藥箭  
刺盲股而飲以藥即死群蠻慙懼而去是年冬安撫  
都監王文慶馬士出天河砦東克明與中人楊守珍  
出環州撞嶺西磴道絕林木深阻巖多伏弩以待  
王所向力戰屢敗蠻軍是時朝廷意在招附數詔諭  
克明而克明亦懼深入屢移文止王王至如門圍為  
蠻所扼不得進克明遷延顧望月餘乃至撫水州與  
知州蒙承貴等約明而還未幾知桂州兼管右溪峒

公事始置溪峒司又奏閱廣南兩路土軍為忠敢軍  
州人覆茅為屋歲多火克明選北軍教以陶瓦又激  
紅水入城以防火災代還知滁州徙鼎州會交趾李  
公蘊寇邕州以文思使復知邕州既至遣人入交趾  
諭以利害公蘊拜表謝罪遷西上閣門使歷知登舒  
邵三州復徙鼎州卒

張暉幽州大城人後唐清泰初隸控鶴軍累遷奉國  
弩手都頭晉開運末與武行德奪契丹甲船於河陰  
行德領河陽以暉為弩手指揮俟復令引兵趣懷州  
契丹將遁去因領州軍漢祖入汴暉迎於滎陽授懷

州刺史乾祐初郢州刺史慕容業治多不法以暉為  
緣漢都巡檢使領唐州屯兵至郢州即代業還京改  
郢州刺史周廣順初劉崇寇晉絳召暉為步軍左廂  
排陣使師還改沂州刺史二年吏民詣闕舉留俄改  
冀州會詔禁李晏口東鹿安平博野百八橋武強等  
城命暉護其役逾月而就從世宗征淮甸充壕砦都  
指揮使既拔楚泗即授泗州未幾改耀州俄為西南  
面橋道使宋初從征澤潞為行營壕砦使先登陷陣  
事平遷華州團練使在郡頗有治狀建隆二年太原  
未下詔入覲問計暉對曰澤潞經李筠之叛瘡痍未  
復軍旅一興恐人力重困不若戢兵育民俟富庶而  
後為謀乃賜襲衣金帶鞍勒馬令還州朝廷方議伐  
蜀遷鳳州團練使兼緣邊巡檢壕砦橋道使暉盡得  
山川險易因密疏陳之太祖覽之大悅乾德二年大  
軍西下乃以暉充西川行營先鋒都指揮使督兵開  
大散關路躬撫士卒且役且戰人忘其勞十二月至  
青泥嶺卒天禧五年暉妻年百五歲家貧詣闕自陳  
詔賜束帛錄其孫永德為三班借職  
司超大名元城人初事邢剛安叔千漢祖在太原超  
往依之隸帳下為小校漢祖將渡河遣超先領勁騎

由晉絳趨河陽及入汴以超為鄆州必敵指揮使時  
京東諸州寇盜充斥以超為宋宿毫三州遊奕巡檢  
使改宿州西固鎮守禦都指揮使移屯潁州下蔡鎮  
屢與淮人戰有功周世宗命宰相李穀討淮南以超  
為步軍先鋒副都指揮使又為廬壽光黃等州巡檢  
使大敗淮人三千餘衆於盛唐縣獲糧船四十餘艘  
禽其監軍高弼果毅指揮使許萬以獻時黃州未下  
即命超遙領刺史燕樓櫓戰擢右廂都校師還改光  
州刺史敗吳軍千餘於麻城北顯德四年冬與王審  
琦攻舒州敗吳軍二千先禽刺史施仁望獻於行

即以超為舒州團練使宋初命副定保領舟師以撫  
江徼月餘特詔升舒州為防禦以超充使太祖討李  
重進以為前軍步軍都指揮使及平遣歸治所建隆  
三年奉遷蔡州防禦使乾德六年改絳州防禦使徙  
晉州兵馬鈐轄是秋又副超替為邠州行營都部署  
進攻河東及太祖親征為行營前軍步軍都指揮使  
改鄭州防禦使開寶七年朝廷將討江左以超久在  
淮右習知江山險易徙蘄州防禦使行至淮西卒年  
七十一天禧元年錄其孫文睿為三班奉職  
論曰昔許子卒於師葬之加等春秋書之所以褒臣

節而傲官守也業空儒光實咸當捍城之寄臨戎力  
戰歿于敵境雖罕儒恃勇不戒光實甘賊遷之言失  
在輕敵然其志軀徇節誠可嘉也業本太原驍將感  
太宗寵遇思有以報常勝之家千慮一失然其意得  
士心部卒不忍離去從之以歿則忠義之風槩可見  
矣嗣興延昭並克紹勳伐延昭久居邊閫總戎訓士  
威名方略聞于敵人於嗣為優暉於危時則有陷陣  
之功平日則嚴息武之諫起頻戰以清淮海其忠誠  
勇果率有可尚者焉

列傳卷第三十一

列傳卷第三十二

宋史二百七十二

開儀圖司上柱國魯國公事前書丞相兼樞密使領軍節度使既生奉

聖

李進卿 子夏澤

楊美

何繼筠 子承矩

李漢超 子守恩

郭進 牛思進

李謙溥 子允正

姚內斌

董遵誨

賀惟忠

馬仁瑋

李進卿拜州晉陽人少以驍勇募護聖軍晉天福中  
杜重威帥師敗安重榮於宗城進卿之戰有功擢為  
興順軍校用相開國命領所部兵戍靈夏人之遷龍

字三百六十四  
捷指揮使顯德初從世宗戰高平改鐵騎指揮使歷  
散員左射都統改鐵騎及內殿直都虞候宋初領貴  
州刺史二遷鐵騎左廂都指揮使領州團練使乾  
德初遷控鶴左廂都指揮使改漢州團練使二年轉  
虎捷左廂都指揮使領涇州團練使是歲冬伐蜀以  
進御為歸州路行營步軍都指揮使拔平山砦下夔  
萬二州蜀平歸功拜侍衛將軍步軍都虞候領保順  
軍節度開寶二年太祖親征河東留進御為在京都  
巡檢及還改親軍馬軍都虞候六年遷步軍都指揮  
使領靜江軍節度卒年五十九贈侍中子延渥延信

延信至內殿崇班

延渥以蔭補供奉官尋為閣門祗候三遷至西京左  
藏庫使咸平初歷知平戎寧邊順安軍保州威虜軍  
鈐轄又知冀州六年徙瀛州景德初契丹大舉擾邊  
經胡盧河踰關南十月抵城下晝夜設謀四面夾攻  
旬日其勢益張唯擊鼓伐木之聲相聞驅突人負板  
秉燭棄墻而上延渥率州兵強壯又集巡檢中晉所  
部悉城登石巨木擊之皆墜壘而墜殺傷其衆甚  
日契丹主與其母親鼓衆急擊發矢如雨延渥分兵

宋史卷一百一十二

三原十三年  
拒守益堅契丹遁去死者三萬餘傷者倍之獲鎧甲  
六千卒屍數百萬驛書以聞賜延渥錦袍金帶將士  
緡錢遷延渥本州團練使以通判太子中允陸元凱  
為國子博士賜緋推官李翔為太子中允錄事參軍  
蔡亨為右贊善大夫侍禁五馬監押王誨殿直具冀  
同巡檢史普為內殿崇班充職如故初成柵垂板護  
城纜數寸許契丹射之矢集其上凡二百餘及請亨  
城詔取板視之真宗歎稱其勞又聞城守之際陸元  
凱流矢中面史普勇敢不避敵復遷元凱屯田員外  
郎普尚食副使普尋卒又錄其子昭度為右侍錄昭

儉為奉職二年延渥徙知邢州歷天雄軍貝州副都  
部署知冀貝博三州大中祥符八年入朝以疾連賜  
告換右領軍衛大將軍領濱州團練使明年從其請  
以左武衛大將軍致仕天禧初卒子宗禹為內殿崇

班

楊美并州文水人本名光美避太宗舊名改焉美狀  
貌雄偉武力絕人以豪俠自任漢乾祐中周祖征三  
叛交杖策詣軍門求見周祖召與語壯之留帳下廣  
順初累遷禁軍大校從世宗征淮南以功擢鐵騎都  
指揮使領白州刺史太祖與美有舊即位以為內殿

太平御覽卷之三十三

直都知建隆三年升青州北海縣為軍以美為軍使  
為政尚簡易民皆德之乾德二年召還北海民數百  
詣闕乞留詔諭之不去嘗為首者始罷遣馬步軍都  
頭會討蜀以美為歸州路戰權左右廂都指揮使蜀  
平遷內外馬步軍副都軍頭領恩州團練使開寶二  
年改領端州防禦使六年加都軍頭領宣州觀察使  
俄授虎捷左右廂都指揮使領河西軍節度會建覺  
進潘美征大京命美為行營馬軍都虞候太平興國  
二年冬出為保靜軍節度三年夏以疾求解官歸京  
師尋醫藥詔遣內侍與道士馬志視之未幾卒年四  
十八贈侍中命中使護葬美為人任氣好施凡得子  
賜及奉祿盡賜給親戚故舊死之日家無餘財人多  
歎息之

何繼筠字化龍河南人父福進歷事後唐至周累官  
忠武成德天平三節度繼筠幼時與群兒戲必分行  
伍為戰陣之家晉初補殿直周祖討三叛表繼筠從  
行賊平改供奉官廣順初福進鎮真定署高內都校  
嘗領偏師出上門與并人戰斬首數千級以功領家  
州刺史契丹將高模翰率二千騎逼深冀以遺書度  
胡盧河繼筠與虎捷都指揮使劉彥瑋率兵拒之至

三百九十一  
武強獲老稚一餘人德壽通云俄隨福進入朝為丙  
庶直都知福進卒起復為慶州刺史領兵戍靜安軍  
契丹內侵繼筠逆擊敗之改棣州刺史世宗征左橋  
關命繼筠以所部兵出百井道破并人數千眾恭帝  
即位以為西北面行營都監建隆二年并州為團  
練以繼筠充使三年命為關南兵馬都監乾德四年  
加本州防禦使開寶元年敕命昭義節度李繼勳等  
征太原以繼筠為先鋒部署至潞河與并人遇擊走  
之奪汾河橋敗其眾於城下獲馬五百匹擒其將張  
環石瓚以獻二年春太祖親征晉陽契丹來援繼筠

時屯兵陽曲縣驛召至行在所授以方略命將精騎  
數千赴石嶺關拒契丹謂之曰翌日亭午俟卿來奏  
捷也至期帝御北臺以俟見一騎自北來亟遣逆問  
之乃繼筠子承睿來獻捷生擒刺史二人獲生口百  
餘斬首千餘級馬七百餘匹器甲甚衆初并人恃契  
丹為聲援及捷奏太祖命以所獲首級鎧甲示城下  
并人喪氣繼筠以功拜建武軍節度判棣州三年來  
朝詔賜鞍馬戎仗令戍邊四年秋來朝疽發背車駕  
幸其第錫賚甚厚未幾卒年五十一帝親臨之為之  
流涕從容謂侍臣曰繼筠捍邊有功朕不早授方鎮



者慮其數奇耳今纔領節制果至淪沒良可惜也贈  
侍中賻絹五百匹中使護喪令以生平所佩劔及介  
冑同塋繼筠深沉有智略前後備邊二十年與士卒  
同甘苦得其死力善揣邊情邊人畏伏多畫像祠之  
子承矩

承矩字正則幼為棣州衙內指揮使從繼筠討劉崇  
擒其將胡澄以獻開寶四年授開廐副使太平興國  
三年漳泉陳洪進納土詔承矩乘傳監泉州兵會仙  
遊莆田百丈寇賊嘯聚承矩與喬維岳王文寶討平  
之以功就遷開廐使疏為政之害民者數十事上之

悉被容納會改使名即為崇儀使五年知河南府時  
調丁男百十輩轉送上供綱承矩以為橫役奏罷其  
事徙知潭州凡六年因圍屢空詔嘉獎之入為大宅  
使端拱元年領藩州刺史命護河陽屯兵米信知滄  
州以其不習吏事命承矩知節度副使實專郡治時  
契丹撓邊承矩上疏曰臣幼侍先臣關南征行熟知  
北邊道路川源之勢若於順安砦西開易河蒲口導  
水東注于海東西三百餘里南北五七十里資其陂  
澤築隄貯水為屯田可以遏敵騎之奔軼俟期歲間  
關南諸泊悉墜闌即播為稻田其緣邊州軍臨塘水

者止留城守軍士不煩發兵廣戍收地利以實邊設  
險固以防塞春夏課農秋冬習武休息民力以助國  
經如此數年將見彼弱我強彼勞我逸此禦邊之要  
策也其順安軍以西抵西山百里許無水田處亦望  
選兵戍之簡其精銳去其冗繆夫兵不患寡患驕慢  
而不精將不患怯患偏見而無謀若兵精將賢則四  
境可以高枕而無憂太宗嘉納之屬霖雨為災典者  
多議其非便承矩引援漢魏至唐屯田故事以折衆  
論務在必行乃以承矩為制置河北緣邊屯田使俾  
董其役事具食貨志由是自順安以東瀕海廣袤數

百里悉為籍田而有堯蒲屬給之饒民賴其利淳化  
四年擢為西上閤門使知滄州喻年徙雒州御書印  
紙錄其功最仍賜以弓劍承矩推誠御衆同其甘苦  
邊民有告機爭者屏左右與之款接無所猜忌故契  
丹動息皆能前知至道元年契丹精騎數千夜襲城  
下伐鼓縱火以逼樓堞承矩整兵出拒遲明列陣酣  
戰久之斬馘甚衆擒其首所謂談林相公者契丹遁  
去是年春府州嘗敗契丹衆承矩條殺獲以諭州民  
或揭於市契丹愧忿故有是役太宗意其輕率致寇  
復命與滄州安守忠兩總其任魏廷式使河北得推

州功狀抗表上言又遣內侍劉勅嚴督其及麾下有功者千餘人皆進擢資賜真宗嗣位復遣知雄州賜承矩詔曰朕嗣守鴻業惟懷永圖思與華夷共臻富壽而契丹自太祖在位之日先帝繼統之初和好往來禮幣不絕其後寇復紛言疆土貪地為國生事信好不通今者聖考上仙禮當許言汝任居邊要兩院詩書兄有事機必能詳究輕重之際務在得守承矩貽書契丹諭以懷柔之言然未得其要咸平二年契丹南侵屢遣內侍以密詔問禦邊之計密封以獻嘗詔德邊民越拒馬河塞北市承矩上言曰緣邊戍權

三百河至泥姑海口屈曲九百餘里此天險也太宗置砦二十六舖百二十五廷臣十一人咸平二年餘部舟百艘往來巡警以屏茲詐則緩急之備大為要言今聽公私買賣則人馬交度深非便宜且若歸首為虛終矣疏奏即停前詔屢被手札褒飭三年春還拜引進使州民百餘詣闕貢馬乞借留承矩詔書嘉獎復遣之承矩上言曰契丹淫而不整貪而無親勝不相讓敵不相救以馳騁為容儀以弋獵為耕釣櫛風沐雨不以為勞露宿草行不以為苦復恃騎戰之利故頻年犯塞臣聞兵有三陣日月風雲天陣也

山陵水泉地陣也兵車士卒人陣也今用地陣而設  
險以水泉而作固建設破塘綿亘滄海縱有敵騎  
安能折衝非者美丹犯邊高陽一路東負海西抵順  
安士庶安居即屯田之利也今順安西至西山地雖  
數軍路繞百里縱有丘陵岡阜亦多川澗泉源因而  
廣之則為殫瘁自可息邊患之今緣邊守將多非其  
才不悅詩書不習禮樂不可守疆界制御無方動誤  
國家雖提猛虎之師莫遏犬羊之衆臣按兵法凡用  
兵之道按之以計而察其情謂將孰有能天地孰得  
法令孰行兵衆孰強士卒孰練賞罰孰明此料敵制

勝之道也知此而用戰者必勝否則必敗夫惟無慮  
而易敵者必擒於人也伏望慎擇疆吏出牧邊民厚  
之以奉祿使悅其心借之以威權使嚴其令然後深  
溝高壘秣馬厲兵為戰守之備修仁立德布政行惠  
廣安輯之道訓士卒闢田疇勸農耕畜芻粟以備凶  
年完長戟修勁弩謹烽燧繕保戍以防外患來則禦  
之去則備之如此則邊城按堵矣臣又聞古之明王  
安集吏民順俗而教簡募良材以備不虞齊桓晉文  
皆募兵以服鄰敵故強國之君必料其民有膽勇者  
聚為一卒樂進戰効力以顯忠勇者聚為一卒能踰

高赴遠輕足善鬪者聚為一卒此三者兵之練銳內  
出可以決圍外入可以屠城况小大異形強弱異勢  
險易異備卑身以事強小國之形也以蠻夷伐蠻夷  
中國之形也故陳湯統西域而郅支滅常惠用烏孫  
而邊部寧且聚膽勇樂戰輕足之徒古稱良策請試  
行之且邊鄙之人多負壯勇識外邦之情偽知山川  
之形勝望於邊郡置營召募不須品度人才止求少  
壯有武藝者萬人俟契丹有警令智勇將統而用之  
必顯成功乃中國之長筭也又如權場之設蓋先朝  
從權立制以惠契丹縱其渝信犯盟亦不之廢似全

大體今緣邊權場因其犯塞尋即停罷去歲以臣上  
言於雄州置場賣茶雖貨貨並行而邊氓未有所濟  
乞延訪大臣議其可否或文武中有抗執獨議是必  
別有良謀請委之邊任使施方畧責以成功苟空陳  
浮議上惑聖聰祗如靈州足為證驗况茲契丹又非  
夏州之比也四年十月建議選銳兵於乾寧軍挽刀  
魚船自界河直趣平州境以牽西面之勢五年詔兼  
領制置屯田使始建權場或者謂承矩意在繼好然  
契丹無厭未足誠信徒使公行窺伺會契丹有殺斥  
候卒者復罷之時契丹數窺邊城大浚渠頗撓其役

詔承矩握兵深入其境以分其勢承矩以無騎兵第  
遣數千卒出混泥城襲之而還景德元年入朝進領  
英州團練使真宗謂宰相曰承矩讀書好名以才能  
自許宜擇善地處之冬出知澶州承矩自守邊以來  
嘗欲朝廷懷柔遠人為息兵之計及是車駕按巡本  
部卒與契丹和益加歎賞韓杞之至也命郊勞之明  
年春復知雄州是歲契丹始遣使奉幣承矩以朝廷  
待邊人之禮悠久可行者悉疏以聞手詔嘉納仍聽  
事有未盡者便宜裁處三年真拜雄州團練使時邊  
兵稍息農政未修又罷且緣邊安撫使命承矩為之且

詔邊民誘其復業承矩曰契丹聞之必謂誘其部屬  
也乃易詔文為水旱流民之意王欽若時知樞密援  
漢竊達周仲居改詔請罪承矩帝曰承矩任邊有功  
當優假之第詔自今朝旨未便者奏更進止承矩頗  
有識鑒典於沙日李沆王旦為位承矩厚待之以為  
右公輔器善推步有知真數乃以老疾求歸詔自  
擇其代承矩以李允則為請乃授承矩齊州團練使  
遣之任至郡歲亡日平年六十一特贈相州觀察使  
賜錢五十萬緡五百匹中使護送以具于輿為侍  
禁昌齡九齡為殿百選皆為齋郎給食曰承矩為侍

李漢超字子平，其父名漢超，字子平。聞承祖卒，皆相率詣雒州發哀，飯僧百餘，鑿齋三丈，太和縣三至，內殿崇班昌齡子象中為閤門祗候。李漢超，雲州雲中人，始事鄴帥范廷光，不為所知。又事鄴帥高行周，亦不見親信。會周世宗鎮澶淵，漢超遂委質焉。即位，補殿前指揮使，三遷殿前都虞候。宋初，改散指揮，都指揮使，領綿州刺史，累遷，控鶴左衛都校，領恩州團練使。從平李重進，尋遷齊州防禦使。兼關南兵馬都監。漢超任關南人，有訟漢超強取其女為妾及貧而不償者，太祖召而問之，曰：汝女可適何人？曰：農家也。又問漢超，木至關南，契丹如何？曰：歲苦侵暴，曰：今復爾耶？曰：否。太祖曰：漢超朕之貴臣也，為其妾不猶愈於農婦乎？使漢超不守關南，尚能保汝家之所有乎？責而遣之。密諭漢超曰：亟還其女，并所貸朕姑貫，汝勿復為也。不足於用，何不以告朕耶？漢超感泣，誓以死報。在郡十七年，政平訟理，吏民愛之。詣闕求立碑頌德。太祖詔准，更令徐鉉撰文賜之。霸州監軍馬仁瑀嘗兄事漢超，多自肆，擅發麾下卒入遼境，剽奪人口羊馬，由是一將交惡。太祖慮其生變，遣中使賜漢超仁瑀金帛，令和解之。太平興國初，遷應州觀察使，判齊州，仍為關南巡檢。二年八月卒。

於屯所太宗甚悼惜贈太尉忠武軍節度中使護葬  
漢超善撫士卒與之同甘苦死之日軍中皆流涕子  
守恩

守恩少驍果善戰有父風初補齊州牙職開寶二年  
太祖親征太原漢超為北面行營都監守恩從父軍  
中會契丹遣兵接河東至定州西嘉山將入土門守  
恩領牙兵數千騎戰敗之斬首三千級獲戰馬器甲  
甚夥擒首領二十七人隨漢超見于行在賜戎服金  
帶器幣緡錢太祖謂左右曰此稚子能若是他日將  
帥才也漢超平擢為驍猛軍校累官至隴州刺史知

靈州與轉運使陳緯部芻糧過瀚海為賊所邀守恩  
及子廣文助教象之隴州衙內指揮使望之弟寄在  
守忠皆沒真宗聞之震悼特贈守恩洪州觀察使次  
子祐之頃之用之潤之慶之成之藏之

郭進深州博野人少貧賤為鉅鹿富家傭保有膂力  
倜儻任氣結豪俠嗜酒蒲博其家少年患之欲圖殺  
進婦竺氏陰知其謀以告進遂走晉陽依漢祖漢祖  
壯其材留帳下晉開運末契丹擾邊漢祖建號太原  
契丹主道殂漢祖將入汴進請以奇兵間道先趨洛  
州因定河北諸郡累遷乾坊二州刺史少帝即位改



磁州周廣順初移淄州二年吏民詣觀察使舉留是  
秋遷登州刺史會群盜攻劫居民進率鎮兵平之部  
內清肅民吏千餘人詣闕請立屏盜碑許之顯德初  
移衛州衛趙邠洛間多亡命者以汲郡依山帶河易  
爲出沒伺間椎剽吏捕之輒遁去故累歲不能絕其  
黨類進備知其情狀因設計終擿之數月間剪滅無  
餘郡民又請立碑記其事改洛州團練使有善政郡  
民復詣闕請立碑頌德詔左拾遺鄭起撰文賜之進  
嘗於城四面植柳壕中種荷芰蒲葦後益繁茂郡民  
見之有垂涕者曰此郭公所種也建隆初太祖親征

澤潞遷本州防禦使充西山巡檢嘗與曹彬王全斌  
入太原境獲數千人開寶二年太祖親征河東以進  
爲行營前軍馬軍都指揮使九年命將征河東以進  
爲河東道忻代等州行營馬步軍都監招徠山後諸  
州民三萬七千餘口太平興國初領雲州觀察使判  
邢州仍兼西山巡檢賜京城道德坊第一區四年車  
駕將征太原先命進分兵控石嶺關爲都部署以防  
北邊契丹果犯關進大破之攻破西龍門砦俘馘來  
獻自是并人喪氣時曰欽祚護石嶺軍恣爲姦利諸  
不法事進雖力不能禁亦屢形於言進武人性剛烈

戰功高欽祚以他事侵之心不能甘自經死年五十八欽祚以暴卒聞太宗悼惜久之贈安國軍節度中使護葬後頗聞其事因罷欽祚內職出為房州團練使進有材幹輕財好施然性喜殺士卒小違令必寘於死居家御婢僕亦然進在西山太祖遣戍卒必諭之曰汝輩謹奉法我猶貸汝郭進殺汝矣其御下嚴教若此然能以權道任人嘗有軍校自西山詣闕誣進者太祖詰知其情狀謂左右曰彼有過畏罰故誣進求免爾遣使送與進令殺之會并人入寇進謂誣者曰汝敢論我信有膽氣今捨汝罪能掩殺并寇即

薦汝於朝如敗可自投河東其人踴躍聽命果致捷進即以聞乞遷其職太祖從之初開寶中太祖令有司造宅賜進悉用甬瓦有司言舊制非親王公主之第不可用帝怒曰進控扼西山十餘年使我無北顧憂我視進豈減兒女耶亟往督役無妄言太平興國初又賜宅一區

牛思進者祁州無極人少從軍以膂力聞嘗取強弓絀於耳以手引之令滿又負墻立力士二人撮其乳曳之疑不動軍中咸異之太平興國四年知平定軍從征河東石嶺關部署郭進卒命思進代之師還以

功改本州團練使七年授右千牛衛上將軍致仕卒  
李謙溥字德明并州孟人性慷慨重然諾父堯後唐  
清泰中晉祖鎮并門署為參謀天福初為開封府推  
官使契丹還上言屈節外國非久長策時晉祖方父  
事契丹不悅其言出為汝州魯山令卒官謙溥少通  
左氏春秋從晉祖入汴補殿直奉使契丹少帝即位  
改西頭供奉官漢初遷東頭周祖討三叛及守鄴都  
謙溥往來宣密命周祖愛之廣順初遷供備庫副使  
世宗征劉崇遼州刺史張乙堅壁不下遣謙溥單騎  
說之乙以城降以功改開廐使師還留為晉州兵馬

都監以偏師入河東境頻致克捷世宗詔褒之會隰  
州刺史孫義卒時世宗親征淮南謙溥謂節帥楊廷  
璋曰大寧咽喉要地不可闕守且車駕出征若俟報  
則孤城陷矣廷璋即署謙溥權隰州事至郡亟命浚  
城隍嚴其備凡八日并人果以數千騎來寇時盛夏  
謙溥單衣持扇從二小吏登城徐步按視戰具并人  
退舍後旬餘大發衝車攻城謙溥募敢死士得百餘  
人短兵堅甲銜枚夜縋出城會廷璋兵至合勢夾攻  
掩其不及并人大擾悉衆遁去追北數十里斬首千  
餘級時顯德四年也明年五月攻破孝義縣以功領

衛州刺史監軍如故世宗北征召赴行在恭帝即位  
為澶州巡檢使詔城莫州數旬而就改丹州刺史建  
隆四年移慈州兼晉隰緣邊都巡檢行石州事以興  
同若為治所冬將有事于南郊太祖命四路進兵略  
地太原鄭州刺史孫延進絳州刺史沈繼深通事舍  
人王睿等師出陰地以謙溥為先鋒會霍邑謙溥因  
畫攻取之策繼深等共沮之延進不能用軍還出白  
壁關次谷口謙溥語諸將曰王師深入敵境今既退  
軍彼必乘我諸君當備之諸將不答謙溥獨令所部  
探甲俄追騎果至延進等倉皇走谷中獨謙溥麾兵

之并人引退未幾移隰州刺史開寶元年命李繼  
勳等征太原以謙溥為汾州路都監太祖征晉陽為  
東砦都監前軍副部署党進遣謙溥伐木西山以給  
軍用未至聞鼓聲乃并人逼西砦大將趙贊禦之并  
衆未退謙溥麾所部赴之太祖遽至觀戰怪其赴援  
者非精甲問之乃謙溥也帝甚喜謙溥在州十年敵  
人不敢犯境有招收將劉進者勇力絕人謙溥撫之  
厚籍其死力往來境上以少擊衆并人患之為蠟光  
書以間進佯遺書道中晉帥趙贊得之以聞太祖令  
械進送闕下謙溥詰其事進伏請死謙溥曰我以舉

宗四十口保汝矣即上言進為井人所惡此乃反間也奏至帝悟遽令釋之賜以禁軍都校戎帳服具進感激願擊敵自効開寶三年召謙溥為濟州團練使後邊將失律復為晉隰緣邊巡檢使邊民間之喜爭相迎勞於道左六年領兵入太原連拔七砦八年以疾求歸肩輿抵洛太祖遣中使領大醫就視之至京師疾篤累上章辭祿下許明年春卒年六十二太祖甚痛惜之賻贈有加葬事官給謙溥與宣祖同里開弟謙昇與太祖為布衣交其母閻嘗厚待太祖及即位數迎入宮中使左右掖之不令拜命坐飲食話及

舊故賜賻甚厚雍熙中太宗為許王細謙昇女為人  
人以謙昇為如京副使謙溥子允則允正允則至寧  
州防禦使從子允恭為內殿崇班閤門祇候  
允正字脩已以蔭補供奉官太平興國中掌左藏庫  
屢得升殿奏事太宗頗記憶其舊故雍熙中與張平  
同掌三班儀為閤門祇候四年遷閤門通事令人侍  
女弟適許王以是免官宋隆平宗詰之曰爾文守  
邊二十餘年止有此第耳何以贖之允正具以事  
遣內侍董錢賻邊糧細成賦許頌美溥化中命  
瀘州叛蠻遠西上閤門副使太宗慮京城禁

宋史三十一  
卷三十一  
十一

四百七  
命允則提總之嘗請詔御中臺給開封府司錄司左  
右軍巡四排戶司印紙作內簿署禁禁日條其罪  
犯歲滿較其殿最詔從其請踰年開封府言京師  
浩穰益繁尤衆御史府考較之際胥吏奔奔有妨推  
鞠况無欺隱不煩推較卒罷之允正又提點左右藏  
庫乘傳北面經度邊要五年為衛州修河部署會建  
清遠軍積石若命請瀚海部分其役還拜西上閣門  
使并州駐泊鈐轄依代張永德知州事徙代州咸平  
初使西蜀詢訪民事還進扶東二閣門使歷知鎮莫  
二州又為并代馬步軍鈐轄契丹復邊軍駕駐大名

允正與高瓊率大原軍出土門路來會召見便殿所  
部有廣銳騎士數百皆素練習命允正引以入賜緡  
錢遣屯邢州與石保吉逐遼人遼人遁去俄以兵會  
大名復還并代五年合涇原儀渭邠寧環慶路為一  
界命王漢忠為都部署驛召允正為鈐轄兼安撫都  
監即日上海道又命與錢若水同詣洪德懷安沿邊諸  
砦經度邊事加領誠州刺史七月罷兩路之職復任  
并代鈐轄每錢若水按巡邊壘即詔權涇州事進四  
方館使代馬知節為鄜延部署兼知延州做客省使  
知定州兼鎮定都鈐轄大中祥符二年累表求還至

京師將紀汾陰以疾難於扈從命為河陽部署以便  
養會張崇貴卒趙德明頗踰軼亟詔從允正為鄜延  
部署內侍密詔存諭禮成領河州團練使允正頗知  
書性嚴毅疎材喜自脩飭素病痾瘵以是罕在要近  
累典邊任多殺戮是秋徙知承興軍卒年五十一  
姚內斌平州盧龍人仕契丹為關西巡檢瓦橋關使  
周顯德六年太祖從世宗北征兵次瓦橋關內斌率  
眾五百人以城降世宗以為汝州刺史吏民詣關舉  
留恭帝詔應之內斌本名犯宣阻諱下一字遂改今  
名從平李筠改號州刺史西夏數犯西鄙以內斌為

慶州刺史燕青白兩池權鹽制置使在郡十數年西  
夏畏伏不敢犯塞號內斌為姚大蟲言其武猛也初  
內斌降其妻孥皆在契丹乾德四年子承養密自幽  
州來歸五年幽州民田光嗣等又以內斌兒女六人  
間道來歸太祖並召見賜以衣服緡錢鞍馬令中使  
護送還內斌開寶四年召赴闕上待之甚厚遣歸治  
所七年春暴得疾卒年六十四遣中使護喪歸葬洛  
陽常賻外賜其子田三十頃承贖為供奉官閣門祗  
候死于陣承贖至殿中丞  
董遵誨涿州范陽人父宗本善騎射隸契丹帥趙延

壽麾下嘗以事說延壽不能用及延壽被執舉族南  
奔漢祖得之擢拜隨州刺史署遵誨隨州牙校周顯  
德初世宗北征大將高懷德遵誨之舅也表遵誨從  
行師次高平與晉人遇將接戰晉兵未成列懷德命  
遵誨先出奇兵擊之晉人潰大軍繼進遂敗之二年  
討秦鳳大將韓通又遵誨自隨與賊戰于唐金完  
登陷陣擒蜀招討使王鸞以獻克秦鳳二州師還錄  
其前後功補東西班押班又遷驍武指揮使四年從  
世宗征淮南攻合肥下之六年從韓通平椎霸二州  
太祖微時客遊至漢水依宗本而遵誨憑藉父勢太  
祖每避之遵誨嘗謂太祖曰每見城上紫雲如蓋又  
夢登高臺遇黑蛇約長百尺餘俄化龍飛騰東北去  
雷電隨之是何祥也太祖皆不對他日論兵戰事遵  
誨理多屈拂衣而起太祖迺辭宗本去自是紫雲漸  
散及即位一日便殿召見遵誨伏地請死帝令左右  
扶起因諭之曰卿尚記往日此雲及龍化之夢乎遵  
誨再拜呼萬歲俄而部下有軍卒擊登聞鼓訴其不  
法十餘事太祖釋不問遵誨益惶愧待罪太祖召而  
諭之曰朕方赦過賞功豈念舊惡耶汝可勿復憂吾  
將錄用汝遵誨再拜感泣又問遵誨母安在遵誨奏



曰母氏在幽州經患難睽隔太祖因令人賂邊民竊  
迎其母送與遵誨遵誨遣外弟劉綜貢馬以謝太祖  
解其所服真珠盤龍衣命齋賜之綜曰遵誨人臣豈  
敢當此太祖曰吾方委以方面不此嫌也會李筠叛  
澤潞令遵誨從慕容延釗討之遷馬軍都軍頭因留  
之鎮守三年召歸再遷為散員都虞候乾德六年以  
西夏近邊授通遠軍使遵誨既至召諸族酋長諭以  
朝廷威德割羊醜酒宴犒甚至衆皆悅服後數月復  
來擾邊遵誨率兵深入其境擊走之俘斬甚衆獲羊  
馬數萬夷落以定太祖嘉其功就拜羅州刺史如故  
太宗即位兼領靈州路巡檢遵誨不知書豁達無  
岸多方略能挽強命中武藝皆絕人在通遠軍九十  
四年安撫一面夏人悅服嘗有剽略靈武進奉使鞍  
馬兵器者遵誨部署帳下欲討之夏人懼盡歸所略  
拜伏請罪遵誨即慰撫去自是各謹封略秋毫不  
敢犯歷太祖太宗朝委遇始終不替許以便宜制軍  
事太平興國六年卒年五十六帝軫悼久之遣中使  
護葬賙賻加等錄其子嗣宗嗣榮為殿直  
賀惟忠忻州定襄人少勇敢善騎射周祖將兵討三  
叛惟忠謁於道左自陳其有武藝周祖悅之即留置

所部洎開國得隸世宗帳下奏補供奉官不辭輒入  
朝世宗怒之及嗣位終不遷擢初授儀鸞副使尋知  
易州捍邊有功尋遷正使開寶二年太祖駐營山以  
惟忠為本州刺史兼易定邠等州都巡檢使嘗中流  
矢六年金瘡發而卒太祖聞之嗟悼即以其子昭度  
為本官惟忠性剛果知書洞曉兵法有方略在易  
州繕完守備撫士卒得其死力每乘塞用兵所向必  
克威名震北邊故十餘年間契丹不敢南牧昭度至  
西京作坊使淳化中知通遠軍有罪墮棄市減死流  
商州

馬仁瑀大名夏津人十餘歲時其父令就學輒逃歸  
又遣於鄉校習孝經旬餘不識一字傳士咎之仁瑀  
夜中獨往焚學堂博士僅以身免常集里中群兒數  
十人與之戲為行陣之狀自稱將軍日與之約鞭其  
後期者群兒皆畏伏又市果均給之益相親附及長  
善射挽弓二百斤漢乾祐中周祖鎮鄴仁瑀年十六  
願隸帳下周祖素聞其勇既見甚喜留置左右廣順  
初補內殿直世宗嗣位命衛士習射苑中仁瑀弓力  
最勁而所發多中賜錦袍銀帶會太原劉崇入寇世  
宗親征至高平周師不利諸將多引退仁瑀謂衆曰

主辱臣死安用我輩乃控弦躍馬挺身出陣射賊斃者數十人士氣益振大軍乘之崇遂敗績世宗至上黨諸將坐失律誅者七十餘人擢仁瑀為弓箭控鶴直指揮使及還京又遷散指揮使從征淮南至楚州攻水砦砦中建飛樓高百尺餘世宗觀之相去殆二百步樓上望卒厲聲嫚罵世宗怒甚命左右射之遠莫能及仁瑀引滿應弦而顛及淮南平身被數十創賜以良藥遷內殿直都虞候又從平三關恭帝嗣位詔從太祖北伐初以佐命功授散員都指揮使領貴州刺史俄遷鐵騎右廂都指揮使又為虎捷左廂都指揮使領扶州團練使從平澤潞以功領常州防禦使改龍捷左廂都指揮使建隆二年改領岳州防禦使俄又移領漢州初詔仁瑀等領荆湖諸郡不數歲復其地至是將征蜀又詔領川陝諸郡遂平之先是薛居正知貢舉仁瑀私囑所與者榜出無其人聞喜宴日仁瑀酒酣携所囑者詣居正切責之為御史中丞劉溫叟所劾帝優容之王繼勳以后族驕恣凌蔑將帥人皆引避獨仁瑀詞氣不相下嘗攘臂欲歐之會帝將講武郊外遂欲相圖各勒所部兵私布白挺太祖密知之詔罷講武出仁瑀為密州防禦使太祖

征晉陽命仁瑀率師巡邊至上谷漁陽契丹素聞仁瑀名不敢出因縱兵大掠俘生口牛羊數萬計駕還仁瑀歸治所明年群盜起兗州賊首周弼毛襲甚勇悍材貌奇偉弼號曰長脚龍監軍討捕數不利詔仁瑀掩擊仁瑀率帳下十餘卒入泰山擒弼盡獲其黨魯郊遂寧開寶四年遷瀛州防禦使兄子崇因醉誤殺平民繫獄當死民家自言非有宿憾但過誤爾願以過失殺傷論仁瑀曰我為長吏而兄子殺人此估勢爾非過失也豈敢以私親而亂國法哉遂論如律給民家布帛為棺斂具太平興國初移知遼州四年

重為征太原命仁瑀與成州刺史慕容超飛龍使白重貴八作使李繼昇分兵攻城及征范陽命仁瑀率禁兵擊契丹於盧龍北契丹兵奔潰師還遷朔州觀察使判瀛州事七年卒年五十贈河西軍節度使事官給

論曰宋初文廣鉅南太原各併大隲荆湖江表止通夏契丹相抗西夏未服不相善法意於謀帥命李漢超屯關西馬仁瑀守瀛州韓公琦領常州皆忠守易州何繼勳領棧州以拒北敵又以郭進扼西山武守琪戍晉州李謙守陽州李繼勳鎮昭義以禦

太原趙贊屯延州姚內斌守慶州董遵誨守環州王  
彥昇守原州馮繼業鎮靈武以備西夏其族在京師  
者撫之甚厚郡中德權之利悉以與之恣其貿易免  
其所過征稅許其召募亡命以為牙兵軍中事皆  
得便宜每來朝必召對命坐厚而飲食錫賚以遣之  
由是邊臣富貴能養死士使為間諜洞知敵情及其  
入得設伏掩擊多致克捷二十五年無西北之憂以  
至今將出師平西蜀拓湖湘下嶺表克江南所向無  
志蓋能推赤心以馭群下之所致也若李進卿楊美  
亦專師西征而美居北海以樂易結民心誠得為政  
之本延渥承矩守恩允正皆紹先業以勲名者承矩  
議屯田贊和好其謀甚遠守恩以果敢死事宋之武  
功於斯為盛焉

